

Aruba a registra di cuater morto den trafico



Pagina 6

- **Incidente di core bou influencia a laga un mancha riba hefe di prensa di gobierno**

Pagina 3

- **Kico ta e tratamento pa Measles (sarampi)**

Pagina 7

- **Crisis alimentario na Cuba awe ta un emergencia cronico**

Pagina 11

CMB ta haci donacion di 120,000
florin na HOH



Pagina 6

Aumento di
cantidad di
hobennan reporta
perdi na Aruba ta
preocupante



Pagina 3

Putin ta planea
pa tuma
preguntanan for
di reporteronan
internacional



Pagina 22

A pesar di rekeri inversionnan grandi,

Aviacion sostenible por ofrece Aruba mehoracion ambiental, social y economico

Den un rapport titula “Exploracion di efecto social di tecnologianan di aviacion electrico y di hidrogeno” elabora pa compania di investigacion y consultancy, Ecorys, basa na Hulanda, a duna atencion na e impacto cu e tecnologianan aki por tin riba e parti Caribense di Reino, incluyendo Aruba.

E rapport tabata comisiona pa Ministerio di Infraestructura y Maneho di Awa di Hulanda. El a keda publica fin di april.

Capitulo tres di e rapport ta trata e exploracion di e impacto di e tecnologianan menciona den e parti Caribense di Reino Hulandes.

Segun e rapport, mescos cu na Hulanda Europeo, stakeholders similar ta involucra den e parti Caribense di Reino. Esakinan ta e fabricantenan (OEM), usuario (aerolinea y cliente), aeropuerto y autoridadnan di aviacion. E capitulo ta explora e diferente componentenan cu ta importante pa e stakeholdersnan.

E tipo di stakeholder en gran parti ta alinea cu e analisis pa Hulanda Europeo, maske ta nota cu e sector OEM (Fabricante di Ekipa Original) no ta mesun desaroya cu den Union Europeo y no tin produccion. Sinembargo, si tin companianan cu ta haci mantencion, reparacion y overhaul (MRO) di avion y institutonan di training. Ademas tin aeroportunan cu servicio di sosten y autoridadnan di aviacion cu nan propio responsabilidadnan.

CAPEX (Capital Expenditures)

CAPEX ta referi na e inversion inicial cu ta necesario pa set up un proyecto. Tin un ecosistema hopi limita, casi inexistente, cu un cluster di R&D riba e islanan riba cual industria di aviacion por construi.

Aerolineanan mester inverti den e compra di avionnan sostenibles, e modificacion (retrofit) di nan flota existente, y e infraestructura rekeri pa combustible sostenible. Aviacion electrico tin mas potencial cu hidrogeno, ya cu no tin actualmente un cluster di conocimiento existente of base di infraestructura pa hidrogeno, y tambe tin prob-

lema cu espacio. E desaroyo di electricidad mediante energia solar ta ofrece un cantidad di oportunidad.

E compra di avion sostenible ta rekeri un inversion di varios decena di miyon di euro, dependiendo di e tamaño di e flota y e tecnologia scogi.

Aerpuertonan mester facilita e infraestructura pa aviacion sostenible, manera instalacion di stacion di recarga pa avion electrico, tanki di hidrogeno y e adaptacion di nan terminal y infraestructura.

E calculacion di inversion pa tres aerolinea inclui den e red – Winair, Divi Divi Air, Z Air – ta entre 100 miyon y 500 miyon euro, dependiendo riba e velocidad y tipo di adopcion tecnologico.

OPEX (Operational Expenditures)

Te cu 2025, no tin avion disponible comercialmente den categoria pa transporte regional di pasahero. Solamente e Pipistrel Velis Electro, un avion di dos asiento, ta certifica. E Velis Electro ta adecua pa vuelo di training, no pa transporte comercial di pasahero.


E costo di operacion (OPEX) di un avion electrico ta dificil pa calcula pasobra nan ta depende grandemente riba e bateria. E costo di infraestructura pa recarga, bida y prestacion di bateria, y economia di escala no ta completamente conoci ainda. En general, aviacion electrico ta spera di ta mas eficiente pa cu energia, pero ainda tin incertidumbre tocante mantencion y degradacion di bateria a largo plaso.

Red di referencia y scenario

E red manera e tabata existi na 2024 ta ser usa como punto di referencia, y for di e referencia aki, a desaroya dos scenario tecnologico futuro” Scenario 1: avion chikito, di hasta 30 asiento, pa distancia cortico.

Scenario 2: avion mediano, hasta 90 asiento, pa distancia di hasta 1.500km.

A haci un analisis di ki ruta por ser reemplaza na one-to-one y ki ruta por bira directo en bes di a traves di un transferencia. Pa parti Caribense di Reino, e enfasis ta riba vuelo entre Aruba-Bonaire-



Corsou, Saba-Sint Eustatius-Sint Maarten, y Sint Maarten cu otro destinacionnan cercano.

En total, mas cu 60 porciento di tur vuelo den e parti Caribense di Reino ta cay den e categoria di distancia cortico cu ta adecua pa avion electrico of di hidrogeno.

Impacto ambiental y riba clima

E rapport a crea un perfil di emision pa cada vuelo, basa riba tipo di avion, emision na altura di cruising y durante aterisahe y lantamento, y consumo di combustible.

E transicion na aviacion sostenible ta afecta e perfil di emision.

Den Scenario 1, un reduccion di 10 porciento den emision di CO₂ y un reduccion di 6 porciento den NO_x ta spera. Den Scenario 2, esaki ta aumenta na un reduccion di 30 porciento den CO₂ y 22 porciento den NO_x.

Emision di efecto di clima cu no ta CO₂, manera awa, vapor, partícula, y contrails, tambe ta reduci ora di bula electricamente of riba hidrogeno. E efectonan aki ta completamente ausente den aviacion di bateria electrico y parcialmente reduci den avion cu ta usa hidrogeno, dependiendo riba e sistema di propulsion.

Pa loke ta calidad di aire, specialmente den e fasenan

di lantamento y aterisahe, emision di oxide di nitrogeno (NO_x) y partícula (PM) ta reduci.

Den Scenario 1 ta reduci NO_x cu 16 pa 21 porciento, y den Scenario 2, e reduccion ta alcanza hasta 32 porciento. Esaki ta resulta den miho calidad di aire na y rond di aeropuerto, cu ta particularmente valioso den areanan densamente pobla of ecologicamente sensitivo, manera den Caribe.

Pa loke ta contaminacion di zonido, zonido di avion ta significativamente menos pa avion electrico y di hidrogeno. Especialmente e zonido di lantamento ta spera di baha. Esaki por tin efecto positivo riba e calidad di bida den e area directamente cerca di aeropuerto. Den Scenario 1, un reduccion di 10-15 decibel durante lantamento ta posible. Motor electrico ta haci hopi menos zonido mecanico. Den Scenario 2, e reduccion ta un tiki menos pa motibo di un tamaño mas grandi, pero toch ta keda significativo.

Pa loke ta naturalesa y uso di tereno, e emision di nitrogeno di aviacion ta reduci. Esaki ta importante pa ecosistemanan valioso den parti Caribense di Reino manera rif di coral, boske di mangel y parkenan nacional.

Na mes momento, e despliegue di tecnologia nobo di aviacion ta involucra retonan di planificacion teritorial. In-

fraestructura pa aviacion electrico y di hidrogeno (manera parke solar y tanki di hidrogeno) ta rekeri espacio fisico. E produccion y eliminacion di bateria y hidrogeno tambe ta rekeri atencion. Cadena di reciclaje di bateria ainda ta den desaroyo, y produccion di hidrogeno (specialmente hidrogeno berde) tin demanda halto di energia.

Efecto social indirecto

Introduccion di aviacion sostenible por conduci na oportunidadnan nobo di empleo den e parti Caribense di Reino. Esaki ta inclui trabanonan tecnico pa mantencion y operacion di tipo nobo di avion, training y educacion den tecnologia di aviacion, rol logistico na aeropuerto y den servicio di sosten, y posicionnan administrativo y di planificacion relaciona cu red y infraestructura di aviacion.

Specialmente riba e islanan mas grandi, manera Aruba, tin potencial pa desaroya hubnan regional unda ta maneha vuelonan entre e islanan y na paisnan cercano. Esaki por duna impulso pa crecimiento laboral y tambe stimula cooperacion entre e islanan.

E transicion tambe ta rekeri conocimiento y habilidadnan nobo. Esaki por reforsa e infraestructura, incluyendo oportunidadnan vocacional local y programa di training tecnico, oportunidadnan pa colaboracion cu institucionnan Hulandes of partnernan internacional, y stimula hubentud pa sigui estudio tecnico cu prospecto pa empleo den nan propio region.

Miho conexionnan cu ta mas sostenibles entre e islanan por stimula turismo dentro di Caribe. Bishitantenan por bishita varios isla den un solo trip mas facilmente, e parti Caribense di Reino ta bira mas atractivo como un destinacion di biahe integra, y aviacion sostenible ta contribui na e imagen berde di e islanan, cu ta atractivo pa biacionan cu ta tene cuenta cu medio ambiente.

Ademas, conexionnan aereo mehora tambe ta aumenta movilidad pa residentenan, permitiendoli biahe mas facil pa educacion, trabao y cuido di salud.

Aumento di cantidad di hobennan reporta perdi na Aruba ta preocupante

Durante ultimo lunanan por a tuma nota di un tendencia preocupante cu a cuminsa bira comun; desaparicion di menornan di edad. Den e ultimo lunanan riba rednan social e cantidad di menornan di edad cu ta ser reporta manera desapareci ta un preocupacion grandi den comunidad.

Hopi ciudadano a expresa nan preocupacion riba rednan social y tambe ta cuestiona kico ta e problema of kico ta sucediendo cu e cantidad di menornan di edad cu ta ser reporta como perdi/desapareci ta muestra cu ta aumentando.

Bon Dia Aruba a tuma contacto cu vocero di Cuerpo Policial di Aruba (KPA), Sra. Liliana Rasmijn pa puntra, entre otro, si tin cifra pa loke ta trata e cantidad di casonan cu nan ta ricibi di menornan di edad cu ta ser reporta perdi/desapareci.



Rasmijn a splica cu nan no tin cifra tocante e cantidad, pero el a indica si cu ta door cu ta trata di menor di edad KPA mester publica e informacion di e menornan di edad perdi/desapareci pa asina nan por haya nan back.

Contestando e pregunta si talbes tin un indicacion di kico por ta e motibo of por ta sucediendo, Rasmijn a splica cu tin hopi factor na unda e hoben no kier keda cas y sigui e reglanan di e mayornan. El a agrega cu tambe tin e caso-

nan caminda cu esnan cu ta keda cerca sea un voogd of un lugar y nan ta bay scol pero no ta bin back na unda na ta keda y di biaha esnan cu ta zorg pa mucha/hoben ta bay Warda di Polis y ta reporta nan como perdi.

El a sigui splica cu e parti social, peer pressure, etc. ta hunga un rol y di otro banda tin e mucha/hobennan cu ta rebeldia y no kier sigui regla. Aunke e no por duna detalles specifico di e casonan pa motibo di privacidad, el a remarca cu nan zorg pa instancianan concerni cay aden pa asina nan ricibi e ayudo cu nan mester.

Rasmijn a enfatisa cu KPA ta purba di usa e plataformanan social pa asina nan por haya nan mas lihe cu ta posibel pa nan propio seguridad. El a indica cu semper polis ta busca nan, pero awor ta haci uso di e plataformanan social tambe pa nan por yega na e hoben perdi mas lihe.

Por ultimo, a puntra Rasmijn



kico ta su conseho na tanto e mayor of voogd(nan) y e hobennan pa ta mas atento y consciente pa evita casonan asina. El a splica cu semper di parti di KPA nan conseha nan pa nan papia cu un persona di confiansa y expresa nan mes pa por wak na unda y cual instancia of persona profesional por yuda e hobennan.

El a remarca cu di parti di KPA tambe nan ta duna charla y ta papia di cerca cu e hubentud na scol y ademas di esaki e polisnan di barrio ta

traha mas estrecho cu scolnan tambe.

E tendencia aki ta crea un preocupacion grandi den comunidad y ta subraya e necesidad pa un combersacion cu no solamente e hobennan, pero tambe mayornan pa aumenta conscientisacion riba e importancia pa mantene relacionnan sano entre famia y alabes adverti hobennan di e peligrosnan cu nan por encontra na momento cu nan talbes dicide di huy for di cas.



Incidente di core bou influencia a laga un mancha riba hefe di prensa di gobierno

Riba rednan social y medionan di comunicacion a circula e noticia cu hefe di prensa di Gabinete AVP-FUTURO, Marko Espinoza, tabata envolvi den un accidente di auto y a keda deteni pa stuur bou di influencia. Esaki a ocasiona un ola di reaccion riba rednan social di cuidadonan cu ta indigna pa loke a sucede y ta cuestiona ki accion gobierno ta bay tuma.

Aunke no tin informacion detaya tocante e sucedido, segun informacion comparti riba diferente medionan di comunicacion digital, e hefe



di prensa di Gabinete AVP-FUTURO tabata tras di stuur bou influencia na momento cu e lo a perde control di su vehiculo y cay den un greppel (rooi).

Unabes cu e noticia a bira conoci, cuidadonan a expresa nan indignacion y a cuestiona con por ta posibel cu un persona cu ta representa Gobierno di Aruba ta comporta di e forma aki y pone otro bi-

danan na peliger door di stuur bou influencia. Ciudadanonan tambe ta cuestiona ki accion gobierno ta bay tuma contra Sr. Espinoza.

Algun di e reaccionnan di ciudadanonan: "Ley ta conta mescos pa tur hende"; "Ora bo punta dede riba otro, tin cuater mas ta punta riba bo"; "Que berguensa, unda integridad a keda?"

Di otro banda tin ciudadanonan cu ta defende Espinoza y ta señala cu e tambe ta humano y cu un situacion asina por pasa cu tur hende.

Ex minister di Finanzas y cul-

tura y actual parlamentario di fraccion MEP, Xiomara Maduro tambe a reaccion riba e sucedido y a cuestiona ki ehempel Espinoza, ken ta un representante di gobierno ta duna cu e comportacion aki.

"Esta un berguensa pa mira man drechi di Minister President Eman y Vocero di Gobierno di Aruba ta actua di e manera aki. Ki ehempel e ta duna? Hende cu a lastra garoshi pa Eman y haci trabou sushi pa AVP yega na poder awo ta lastra burachi di bebida y poder. 'Wat een afgang' pa un Gobierno di Aruba. #vies," Maduro a publica.

Aruba tabata anfitrión di Cumbre di Turismo Crucero

Ayera mainta minister di Turismo, Labor y Transporte, Wendrick Cicilia, a duna un declaracion na prensa relaciona cu e conferencia Platinum Associate Membership Advisory Council (PAMAC) organisa pa Florida Caribbean Cruise Association (FCCA), cu ta tumando luga na Aruba na e momentonan aki. E mandatario elabora riba e importancia di e conferencia y su vision pa maneho di turismo crucero na Aruba.



Despues di ocho aña Aruba ta anfitrión atrobe pa e conferencia. Minister Cicilia a remarca cu e conferencia di PAMAC ta un evento fundamental y e miembronan di FCCA ta partnernan fundamental tambe den cuadro di turismo crucero di Aruba.

E mandatario a splica cu turismo crucero ta forma un parti esencial den e desaroyo economico di pais Aruba. El a indica cu Aruba por kibra tur record na pasaheronan crucero cu a yega e isla mirando cu pa aña Aruba ta ricibi alrededor di 100 mil pasahero crucero cu ta bin Aruba.



El a sigui splica cu segun estadisticonan Aruba tin un di e recordnan mas impresionante den Caribe pa loke ta trata e cantidad di placa cu turistanan cu ta bin cu crucero ta gasta ora nan ta bishita Aruba. El a indica cu no ta trata solamente e cantidad di placa cu nan ta gasta, pero tambe e tempo cu nan ta pasa na Aruba local ta duna oportunidad na comercio y economia local, tour operators, restaurant, cafe, kioskan cu ta bende souvenir, y tambe caya grandi ta beneficia di esaki.

“Esaki ta un efecto positivo economico cu nos ta mira pa comunidad y marca tambe e importancia di e industria aki. Presente tin partnernan strategico di Aruba manera diferente liña di crucero, entre otro Norwegian, Royal, Caribbean. Nan ta actornan fundamental, partnernan strategico cu a scoge Aruba pa duna desaroyo na e industria di turismo crucero y awe nos ta akinan pa reafirma cu nos ta aprecia tambe e partnership strategico aki,” minister Cicilia a enfatisa.

Pa loke ta trata Gabinete AVP-FUTURO su vision pa maneho di turismo, el a

splica cu gobierno di Aruba a comunica un vision hopi importante na e partnernan cu ta indica cu nan ta kere den un turismo sostenibel y responsabel, y nan ta kere den recalibra e crecimiento turistico.

E mandatario a sigui splica cu esaki ta nifica cu nan a tuma pasonan concreto den dialogo cu e industria di sector hotelero caminda nan no kier mira mas un crecimiento desbalansa pasobra, segun el a enfatisa, e sentimento local tambe ta un punto cu nan ta tuma como parti integral den nan maneho.

Alabes el a remarca cu nan kier mira si e beneficianan economico y e impacto cu e crecimiento aki ta laga atras ta uno minimo y cu Aruba ta ricibi turismo crucero cu tin un beneficio economico pa e pais.

“Nos ta mira mas cu crecimiento den e numbernan ta algo cu mester bay drenta den e discusion aki cu e industria di turismo crucero pa mira unda por haci ahustacion, pero manera indica caba cu vision di gobierno no ta mas volumen, pero ta mas enfoca riba calidad,” el a subraya.

Minister Cicilia a remarca cu esey e mensahe cu como gobierno nan lo comunica na e partnernan. “Parti di nos vision integral ta percura pa e industria turismo crucero su beneficio pa Aruba tin un impacto minimal riba local ta efectonan dañino pa naturalesa, concentracion riba e beachnan y cu e beneficianan economico e empresarianan chikito y mediano ta ricibi e beneficio di esaki,” el a agrega.

El a indica cu di parti di gobierno nan a señala cu pa loke ta trata caya grandi nan ta bay haci inversionnan grandi pa garantiza cu tin espacio publico pa turismo di crucero, pero alabes, el a remarca, nan kier mira cu e calidad ta aumenta y no necesariamente e cantidad. “E turismo cu nos kier mira na Aruba ta esnan cu ta bin cu un capacidad di inversion mas grandi y no un crecimiento den volumen,” el a señala.

Pa loke ta trata con ta bay stimula comercio pa tin mas actividad pa turismo crucero, specialmente teniendo cuenta cu hopi di tiendanan ta era riba diadomingo, minister Cicilia a splica cu den e dialogo cu stakeholders di caya grandi, un di e puntonan cu



a toca tabata adaptacion den e ley di orarionan di negoshi cu ta crea e posibilidad pa negoshinan por keda habri mas largo.

El a sigui splica cu den caya grandi local gobierno ta haciendo ta incentivando fluho y trafico di comunidad y turismo a traves di inversion y eventonan unda cu comunidad y turismo por bini hunto. El a menciona como ehempel e iniciativa di Gabinete AVP-FUTURO ‘Ban Bek Caya’ unda ta garantiza cu tin un fluho di comunidad y turismo den caya grandi.

El a agrega cu den e cuadro ay gobierno kier conecta y sincronisa e industria di turismo crucero cu APA pa mira con riba diadomingo por organisa un evento similar na ‘Ban Bek Caya’ pa por trece e turismo crucero den caya grandi

y crea e ripple effect cu kier di e industria aki.

Pa loke ta trata Arutram, cu tampoco ta traha riba diadomingo, minister Cicilia a splica cu tin diferente plan pa cu esey tambe. Un di e plannan, el a indica, ta cu ta den discusion na e momentonan aki pa wak di APA por tuma Arutram over pa haci inversion pa garantiza cu tin mas fluho y trafico di tram cu ta un proyecto cu ta conecta e terminal di crucero cu caya grandi.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Raisa Montilla

Oriana Geerman

Ehecutivo di Benta

Sulaika Croes

sulaika.croes@cspnv.com

Mark Gomes

mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica

di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Prepara pa golpi, y... *Asina mes haya golpi...?*

Nos gobierno y parlamento ta consciente di e golpinan cu nos pais por haya den e guerra economico y comercial cu ta menaza di perhudica practicamente henter mundo. Den un reciente reunion gabinete y parlamento a intercambia di opinion y manera semper mester ta, no a comparti opinion riba tur aspecto. Esey no ta problema, mas bien nos ta keda preocupa pa loke por sucede, aparte di tur opinion al caso.

Si na e momento aki e institucionnan clave, manera Banco Central y ATA, ta pronostica un perspectiva economico favorable, esey ta di anticipa si nada no cambia. Y si e cambio negativo keda limita na por ehemplo 5% di GDP, e daño por resulta reparable. Un perdida di 5% di GDP, actualmente algo mas di Afl. 7.000 miyon, lo ta entre Afl. 350 y Afl. 400 miyon en general y pa Pais Aruba alrededor di 25% di e suma menciona na menos ingreso; un bon Afl. 100 miyon anto. Esey ta e daño cu gobierno por absorbe? Comparti e optimismo gubernamental anto? No si e asunto resulta mas grave cu e 5% di GDP menciona, algo cu ta imaginable, cu e situacion di crisis global cu por surgi. Pa haya vista riba esey, no ta consehabla pa mira e cifranan actual di inflacion na Merca. E aumento di esaki a keda limita te awor, pasobra anticipando e introduccion di e extra impuesto di importacion pa gobierno di Trump, hopi compania a percura pa haci nan pedido na e.o. China mas tempran. Haciendo esey no ta mira ainda un escasez grandi di producto cu ta importa. E pausa cu a bin casi inmediatamente den entrada na vigor di e medida di Trump, en vista di e reaccion global tras di su anuncio di su guerra cu resto di mundo na inicio di april, actualmente ta brinda un perspectiva menos negativo. Sin embargo, esey no ta bisa tanto di e situacion den segundo mitar di año, despues cu tin mas resultado di negociacion entre gobierno di Estadon Uni y nan partnernan comercial mas importante. E reciente encuentro na Canada entre e socionan di G7 a keda usurpa pa atencion pa presencia di presidente Trump y su salida mas tempran, lagando posible acuerdo cu involucramento di su gobierno un banda. Loke si por spera ta mas entendimento entre e demas paisnan, aumentando asina e colaboracion economico y comercial entre nan, reduciendo nan riesgonan comercial cu Merca, algo cu tabata den proceso caba, entre otro entre Canada y Union Europeo.

Otro complicacion den situacion internacional ta e enfrentamento entre Israel y Iran, unda posible participacion di algun forma di Merca por conduci na un situacion internacional mas tenso ainda, cu efecto grandi riba por ehemplo mercado di petroleo. Na e momento aki prijs internacional ta subiando pero moderadamente

ainda. Tin bastante comentario tocante un posible accion di Iran, cerando e Estrecho di Hormuz pa transporte maritimo, unda alrededor di 20% di transporte maritimo mundial di crudo ta pasa. Esaki lo causa un caida considerable den crudo disponible mundialmente, pero mester considera cu e accion ey lo perhudica Iran mes tambe. Un posible escalacion di e conflicto lo por causa un subida fuerte di prijs di crudo, cu consecuencia grandi pa produccion en general, incluyendo tambe transporte.

Tur esaki no ta afectando nos ainda asina tanto, aunke nivel di prijs na Aruba ta un preocupacion grandi caba, specialmente pa persona y famia di menos ingreso. Pero kico por comenta encunto e perspectiva gubernamental actual, cu no ta muestra tanto preocupacion. Pa cumenza, con economia, y principalmente turismo, ta bayendo? Bon, pero cu cierto observacion pa tuma na cuenta. Por ehemplo, Ahata a anuncia cu ocupacion di camber ta bahando na 2025. Anteriormente tabata spera ocupacion di 81%, loke a keda reduci na 78%, despues na 76%. Ademas e noticia cu e sector mes ta anticipa menos reservacion pa segundo mitar di año. Ta importante pa nota aki cu un tasa mas abao di ocupacion no necesariamente ta significa menos negoshi. Mester tuma na cuenta cu e apertura di mas hotel ta aumenta e oferta riba mercado; den e sentido aki un bahada den ocupacion tabata anticipa. Pero kico ta e situacion pa loke ta e demas datonan disponible? Por ehemplo, promer trimestre di 2025 (cifra di CBA) ta muestra un aumento minimo di cantidad di nochi na nos isla, di 0,2% (+5673). Den e mesun periodo e cantidad di bishitante a aumenta cu 2,5% (+ 9698 persona). Por nota cu solamente luna di januari tabatin mas nochi di estadia cu januari 2024; tanto februari como maart ta muestra un reduccion. Tur luna a muestra un aumento di cantidad di bishitante. Otro cifranan di economia, por ehemplo ingreso gubernamental ta muestra progreso, di BBO/BAZV y impuesto di importacion.

'So far, so good', anto? No, y pa otro motibo cu talvez lo bo no pensa. E golpi anticipa, pa cual a reuni cu un parlamento preocupa, no a bin ainda. Y ora e bin, e lo ta un 'double whammy': menos turista, sin compensacion di Canada o Europa, pasobra nan economia tambe lo haya golpi considerable. Ademas aumento di inflacion na Merca y mayoria di otro pais ta bin pa nos tambe; no tin caminda di sconde. Den e sentido aki ta facil pa bisa cu gobierno ta prepara, pero ki proteccion gobierno por duna e consumidor? Nos a pasa den crisis di Covid unda inflacion a mengua, pasobra no tabatin poder di compra mas. Nos no ta mira ki medida por tuma e biaha aki, si e crisis yega na nos porta.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



CMB ta haci donacion di 120,000 florin na HOH

Durante un evento pa introduci e CEO nobo di MCB Group di cual Caribbean Mercantile Bank ta forma parti, e banco haci entrega di un donacion di 120,000.00 florin na e departamento di mucha di Horacio Oduber Hospital (HOH).

Gerencia di HOH tabata presenta pa ricibi e suma aki cu lo wordo destina exclusivamente na mehora condicionnan di e facilidadnan unda nos muchanan ta wordo atendi.

Director General di CMB ta expresa cu parti esencial di e banco su obhetivonan ta di por comparti cu comunidad, anto ki miho forma cu haci esaki yudando muchanan di



Aruba, specialmente esnan cu pa un of otro motibo mester pasa un tempo den hospital. "E no ta placentero pa mester keda hospitalisa y pasa tempo leu di bo famia. Mas ainda si bo ta un mucha. Dus si nos

por contribui pa alivia esaki, nos lo haci esey."

Jacco Vroegop y Gregory Croeze, di Hunta di Directiva di HOH tabata presente y a acepta e donacion aki.

Croeze ta aña: "Den salubridad cada florin ta rende y tin efecto riba no solamente e pashent y su famia pero tambe e personal cu awor por ta mihor ekipa pa duna un miho servicio. Segun Croeze e donacion aki ta mas cu solamente placa, e ta un muestra di confianza y solidaridad entre e dos organisacionnan. Nos ta kere den un futuro unda cuida ta accesibel, mas personal y mas innovativo. Gesto of donacionnan asina aki ta haci nos yega mas cerca di nos vision y p'esey nos ta hopi agradecido na CMB y tambe MCB Group."

Cu'n sonrisa grandi Jacco Vroegop ta conta cu: "Mi ta hopi agradecido y ta gradici banco CMB pa nan generosidad di nan donacion na

departamento di mucha di Hospital di Aruba. Nan sosten ta haci un diferencia real den e bida di nos pashentnan di mas jong y nan famia. E ta reflesha un compromiso mutuo y cu ta hopi importante pa e bienestar di nos comunidad.

Mester remarca cu e donacion aki ta wordo haci den nomber di e CEO saliente, Chicu Capriles, cu ta un persona bon conoci y aprecia den nos comunidad local. Chicu lo wordo reemplasa pa Quinten Fraai, manera ya anuncia algun luna pasa.

Riba e foto adhunto por mira Gregory Croeze, Armin Solognier, Quinten Fraai, Albert di Mauro y Jacco Vroegop.

Entrada hudicial: Plantacion grandi di marihuana confisca y dos detencion

Diaranson den oranan di mainta Unit Narcotica conhuntamente cu Polis Uniforma di Santa Cruz a haci un entrada hudicial na un parcela na Rooi Pri-kichi.

Na dicho parcela a bin topa cu un plantacion grandi di Marihuana y como tambe cantidad di droga den cas. A confisca e droganan y a haci

dos detencion na dicho parcela.

Ta trata aki di e homber di inicial M.K. di 54 aña naci na Aruba y e muher M.L. di 51 aña naci na Aruba.

Cuerpo Policial ta haci un apelacion na es cu sa algo of a wak algo pa yama e tiplijn di polis cu ta 11141



Aruba a registra di cuater morto den trafico

Ayera durante atardi, Cuerpo Policial di Aruba a informa e lamentable noticia cu e victima di un accidente di trafico cu a tuma lugar dia 8 di juni ultimo, despues di a lucha pa su bida, a fayece.

Tabata diadomingo 8 juni 2025 pa mas o menos 12:20pm a sucede un accidente basta pisa na altura di Today supermarket na Cura Cabai. Un auto mester a alcanza un peaton. Ta trata di un auto di marca Kia, modelo Sonet color shinishi cu tabata riba dicho caminda bayendo direccion abao.



Central di Polis ta dirigi unidannan di San Nicolas, trafico y ambulance na e sitio. E peaton a keda gravemente herida y a ser transporta cu urgencia pa Hospital.

Tabata despues di varios dia di lucha pa su salud, ayera madrugada ta drenta e tristo noticia cu e peaton a fayece. Dokter ta constata morto di e hende homber Michael Ge-



rard Hector naci ariba 3 december 1972 na Aruba.

E caso lamentabel aki ta bao investigacion pa Departamento di trafico.

Cuerpo Policial Aruba y Bon Dia Aruba ta manda palabranan di condolencia pa e famia di e victima.

Kico ta e tratamento pa Measles (sarampi)

Measles of manera nos ta yam'e na Aruba, "Sarampi" ta un malesa cu ta ocasiona pa un virus. Debi cu e ta ocasiona pa un virus, no tin ningun medicamento pa cura esaki.

E curpa ta esun cu mester combati e virus aki y pa haci esaki e ta tuma su tempo. Tur locual cu e persona cu sarampi por haci ta tuma medicamento y/of aplica cierto producto pa alivia e sintomanan cu ta presenta pero na mes momento ta conseha nan pa tuma contacto cu dokter di cas pa conseho y instruccion.

Por ehempel; pa e sintoma di keintura por tuma medica-



mento manera paracetamol, por pone un paña cu maravilla riba e frenta y rond di e nek of tambe por baña cu

awa poco friu. Esaki ta algun ehempel di practicanan pa yuda baha e keintura.

Pa alivia e grawatamento cu e rash riba e curpa por ocasiona tin producto cu por wordo hunta riba e cuero cu por wordo cumpra na cualkier botica. Pa preveni deshidratacion ta recomenda pa es cu sarampi bebe hopi awa. No juice of refresco cu tin hopi sucu pero simplemente awa. Na momento cu e malesa desaroja den un infeccion bacterianal manera un pulmonia, un infeccion di wowo of horea dokter lo mester combati e bacteria cu antibiotica.

E miho forma pa preveni Measles ta pa medio di vacunacion. E vacuna cuta proteha contra e malesa di Measles ta e vacuna MR (Measles,

Rubella) of e vacuna MMR (Measles, Mumps, Rubella) cu ta riba mercado for di aña 1971. E vacuna aki ta uno sigur pa mucha y adulto. Vacuna ta un metodo di prevencion, no di tratamiento tampoco curacion.

Bo salud ta bo responsabilidad, tuma accion pa proteha bo mes contra Measles.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](#), subi nos website [www.dvg.aw](#), yama nos na 5224200 of mail nos na [servicio@dvg.aw](#).

Recortenan riba cuido medico na Argentina ta afectando varios sector di salud y pashentnan

(AP)—Argentina tabatin un sistema di cuido medico extensivo y gratis cu a sigura cu tur hende cu no por paga pa seguro priva por haya e cuido cu nan mester totalmente cubri. Pero den e 1,5 aña desde presidente Javier Milei a tuma poder riba un promesa di elimina inflacion halto den e pais y deficitnan enorme den presupuesto, e programa di e economista radical a trece un efecto brutal riba e hospitalnan publico di e nacion y su poblacion di pashentnan desemplea, pover y pensiona cu a perde acceso na tratamiento critico.

Por medio di haci recortenan grandi den agencianan di salud federal, e despedidonan di Milei y recorte riba gasto ta parce loke e administracion di su aliado cercano, presidente Mericano Donald Trump, ta haciendo.

Riesgonan di bida y morto pa pashentnan di cancer

E suspension di presidente Milei di un agencia gubernamental, conoci como DADSE, cual a provee medicamento caro pa pashentnan di cancer no segura y otronan cu malesanan incomun a laga miles di Argentino sin tratamiento cu por salba nan bida.

E cambionan a forsa pashentnan pa busca ayudo pafu di e sistema tradicional di cuido medico. Algun a logra sigura donacion di medicina via gruponan riba Face-



book. Otronan no tin mesun suerte. Un demanda entrega pa un grupo di abogacia pa pashent a bisa cu al menos 60 pashent di cancer a muri aña pasa debi na e suspension di e programa di medicamento DADSE.

Autoridadnan tambe a haci recorte riba e Instituto Nacional di Cancer, suspendiendo programanan di deteccion trempa pa cancer di pecho y cervical.

Progreso contra malesanan infecciosos ta keda para
Desde cu el a tuma oficina na december 2023, Milei a corta e presupuesto di salud na Argentina pa 48%. Su administracion a kita mas di 2.000 empleado den e ministerio di Salud—casi un kwart di su forsa laboral—incluyendo 1.400 durante apenas par dia den januari.

Empleadonan a describi e pio recorte den financiamiento den historia mas recien di e ministerio y ta bisa cu e despedidonan a permiti un aumento den malesa cual

promete tabata manteni bao control.

E Directorado Nacional pa HIV, Hepatitis y Tuberculosis a perde 40% di su empleadonan y 76% di su presupuesto anual. Awor hospitalnan ta enfrente deficit di tur cos for di material pa test pa virus, pa medicina y condon. Pashentnan cu tin un forma di HIV casi completamente resistente na medicina ta bisa cu nan no ta hayando tratamiento.

E recortenan aki a coincide cu un aumento den infeccionnan sexualmente transmiti. Aña pasa casonan di HIV a aumenta skerpi cu 20% y syphilis cu 50%.

Casonan di tuberculosis tambe a aumenta cu 25% aña pasa. Clinicianan ta reporta retraso den obtene resultadonan di test y ta bisa cu famianan di hende infecta no ta hayando terapia preventivo.

Hospitalnan sobrepobla
E gobierno Argentino a stop cobertura medico pa pensio-



nadonan y a kita control di prijs riba medicina prescribi y primanan di salud priva, causando un aumento di 250% y 118% respectivamente den prijs, segun data oficial ta muestra.

Hospitalnan publico y gratis a keda sobrepobla cu Argentinonan cu a stop nan planan priva debi na prijsnan di prima cu a subi of cu a perde nan trabao—y cu esaki, planan di seguridad social financia via contribucion di payroll.

Facilidadnan na Buenos Aires a reporta un aumento di 20-30% den demanda den e prome kwartaal di 2025 compara cu e mesun periodo aña pasa. Farmaceuticonan a reporta un deficit den medicina como cu despedidonan masal a causa caos administrativo y e gobierno a vries un programa cu a provee medicina basico na centronan di salud publico.

Cu un congelacion den reclutamento, dokternan a bisa cu nan tin dobel e cantidad di pashent cu nan tabatin al-

gun aña pasa. Enfrente cu burnout di empleadonan y aumento den trabao, e Hospital Prediatico Garrahan na Buenos Aires a kita 200 profesional medico desde cu Milei a tuma oficina.

Mientras inflacion anual a acerca 200% aña pasa, nan salario a perde mita di nan balor. Dokternan a bandona e pais pa busca trabao den exterior of trabao cu ta paga mas miho den clinicanan priva. Ningun a ser reemplaza. Manifestacionnan masal y welganen organisa pa residentenan medico a paralisar Buenos Aires luna pasa.

Milei a vries fondonan federal pa campananan di inmunisacion, riesgando acceso na vacuna mientras Argentina ta confronta un brote di sarampi cu den april a resulta den e prome morto den dos decada.

Autoridadnan no a renoba ningun contract nacional cu suministradonan di vacuna, y den algun caso a stroba entrega di vacuna na provinci-

Alto funcionario di Sint Maarten ordena pa paga back 4.4 miyon florin Caribense

(Caribisch Netwerk) – Michael Dijkhoffz, ex hefe di ICT pa Sint Maarten, mester paga back miyones na placa obteni fraudulentamente. Esaki a keda determina siman pasa door di corte na Philipsburg riba Sint Maarten. Dijkhoffz a keda aresta na 2020 en conexion cu un investigacion di hopi tempo door di Departamento Nacional di Recherche Criminal riba irregularidad den e destaho di proyectonan di ICT.

El a ser condena pa paga back mas di 4.4 miyon florin di Caribe. Esey ta mas cu 2.2 miyon euro. Esaki ta regarda e caso cu yama ‘Seabass’. E suma aki ta relaciona cu fraude den cual supuestamente gobierno di Sint Maarten a keda defrauda di mas o menos 9 miyon florin entre 2010 y 2015.

Un complice, Julian Charley Lake, mester paga back djis mas cu 400.000 florin. Corte diahuebs a adopta e calculacion financiero di Ministerio Publico di Sint Maarten completamente den su sentencia.

Fraude di gobierno

Michael Dijkhoffz, e ex-hefe di e departamento di ICT di gobierno, ta ser sospecha di a abusa di su posicion den otorgamento di destahonan



publico di ICT, estafa gobierno y laba e entradanan ilegal. Diferente persona y entidad huridico a keda identifica como sospechoso den e investigacion. Ademas a tuma sumanan di placa y un pida tereno den beslag.

E corte a determina anteriormente, na december 2024, cu Dijkhoffz – mientras e tabata ocupa un posicion gubernamental – a manipula e otorgamento di contractnan di IT na favor di dos compania cu tabata ser controla secretamente pa e mes y Lake. Pa sconde nan envolvimento, un compania a ser registra riba number di e ruman muher

di Dijkhoffz y e otro riba number di Lake su casa di e tempo ey.

Abuso den destaho di proyectonan di ICT

E duo a ser condena pa corte na 2022 den cuadro di e asina yama investigacion ‘Seabass’, cu a enfoca riba abuso den e destaho di proyectonan di ICT y e cumpramento di hardware y software di computer pa gobierno di Sint Maarten. E condenacion aki a keda confirma pa corte con hunto di Husticia na december aña pasa.

Dijkhoffz a ser condena inicialmente na cuater aña y

nuebe luna di prison. Despues corte a reduci e castigo aki cu nuebe luna. Lake, un ex-consehero di politica na e departamento di ICT, a keda sentencia na prome instante na dos aña y nuebe luna, pero corte a reduci esaki na un aña y nuebe luna, pasobra no ta tur corrupcion y crimen financiero a keda proba den apelacion.

Hopi placa

Segun Corte, a keda proba cu Dijkhoffz y Lake a eherce nan influencia den seno di comisionnan di destaho pa otorga contract di gobierno na dos compania local cu desde e tempo ey a cera. Despu-

es e companianan local aki a transferi placa pa tres compania Mericano, tur propiedad di familiar cercano di Dijkhoffz, cu supuestamente a fungi como proveedor.

E companianan Mericano na nan turno a transferi cien miles di dollar pa e cuenta di banco priva di Dijkhoffz na Merca. E placa aki segun informe a ser usa pa metanan priva, manera compras y huurmento di auto, cuminda y paña, pasashi di avion, klapchi, timeshare y casnan di vakantie, gastonan di scol, les di core auto y construccion di un pool.

E apelacion di aña pasa a revela cu un di e companianan Mericano a transferi un total di aproximadamente 70.000 dollar Mericano pa e cuenta di banco di Lake entre 2016 y 2018. Tambe tabatin sospecho cu el a saca placa cash for di e cuentanan di banco pa su mes uso, manera The Daily Herald a informa tocante e caso aki.

E caso a cuminsa na 2019. E aña ey, dia 19 di november, a haci cinco huiszoeking en conexion cu un investigacion riba Dijkhoffz, y el a ser deteni un aña despues. Na 2019, Ministerio Publico a declara den un declaracion cu e sospechoso a mina ‘e integridad di administracion publico y di servicio civil’ na gran escala.

Gobierno Hulandes kier ayudo na Ucrania conta pa e norma di gasto di defensa di NATO

(NLTimes) – Hulanda kier conta e sosten cu nan ta dunando na Ucrania den e inversionnan cu nan mester haci den e sector di Defensa como parti di e meta nobo di NATO. Prome minister di cuido Dick Schoof a bisa cu NATO (Organisacion di Tratado Nort Atlantico) lo permiti esaki. E paisnan di NATO ta planeando pa bay di acuerdo riba un meta di inverti 5 por ciento di e economia di nan pais den nan defensa y siguridad. Un total di 3.5 por ciento di esaki lo bay pa inversionnan “duro” den defensa.

Esaki lo nifica cu Hulanda lo gasta 16 pa 19 biyon euro extra pa aña na e sector di Defensa. Lo ta mas facil pa Hulanda yega na e meta aki

si nan ser permiti pa inclui inversion na Ucrania. Hulanda lo inverti alrededor di 3.5 biyon euro den defensa di Ucrania otro aña.

E sosten na Ucrania tambe ta yuda pa combati “e menasa cu ta bin den direccion di nos,” for di Rusia, Schoof a bisa durante un debate parlamentario tocante e cumbre di NATO di otro siman. E ta mira un “conexion obvio” entre e dos cosnan aki.

NATO a determina kico e estadonan miembro di NATO por designa como gastonan di defensa. Ciertu tipo di sosten na Ucrania por cumpli cu e rekisitonan, segun fuentenan di NATO.

Segun Schoof, paisnan di NATO ainda ta discutiendo e

“definicion preciso” di e otro 1.5 por ciento di producto interno bruto, destina pa actividadnan di sosten cu tambe ta beneficia defensa.

E Gabinete ta considerando areanan manera resiliencia social amplio y infraestructura. Diplomático di NATO ta spera cu Hulanda lo no tin dificultad pa cumpli cu e parti ey di e acuerdo nobo.

Paisnan di NATO ta purbando pa añanan pa traha cu e definicionnan pa e norma di gasto pa hacie mas facil pa cumpli cu nan. Door di reserva parti di e norma nobo pa gastonan “mas suave”, e aliansa ta spera di acomoda nan y asina tambe reduci e presion riba e definicionnan.



NSC ta pusha minister di agricultura pa cumpli cu demandanan di grupo ambiental

(NLTimes) – NSC kier pa minister di agricultura, Femke Wiersma, bay di acuerdo cu e exigencianan di e organisacion ambiental MOB, miembro di parlamento Harm Holman a bisa durante un debate parlamentario tocante emision. Un di e exigencianan ta cu agricultor tin cu balansa e cantidad di bestia cu nan tin cu e cantidad di tereno cu nan ta doño di dje. NSC ta join GroenLinks-PvdA den esaki.

Holman, un Parlamentario pa NSC, tabata critico di e politicanan di e miembro di BBB, Wiersma pa un tempo, pero esaki ta e prome biaha cu e ta tuma accion pa motibo di esaki. E kier pa Wiersma papia cu MOB tocante politica cu ta cumpli cu deseonan di e organisacion ambiental.

Caroline van der Plas (BBB) ta furioso cu su partner di coalicion Holman. E ta mira e posicion di NSC como un violacion di e acuerdo di coalicion. “E acuerdo di

coalicion ta bisa cu lo no tin un empuhe directo pa reduci e cantidad di bestia, pero lo tin un enfoque riba promove agricultura riba tera.” E ta culpa Holman pa bay di acuerdo cu e “chantahe” di e MOB y ta kere cu e ta bandonando agricultornan door di haci esey. E miembro di NSC a contesta esaki bisando cu e ta “purbando pa haya un solucion pa nan problemanan.”

D66 y Partij voor de Dieren ta contento cu e posicion di NSC. Parlamentario di PvdD, Ines Costic, a puntra Holman si e lo retira su sosten pa Wiersma si e no presenta un maneho adecua. El a nenga di bay na asina ley. NSC lo entrega un proyecto di ley pa criamento di bestia

riba tera. Holman ta purba duna un bon ehempel door di haci esaki. “E minister, hunto cu su 2.000 funcionarionan publico, no a produci ni un solo proyecto di ley ainda,” el a bisa.

Ex partido di coalicion VVD anteriormente a join NSC den critica Wiersma durante e debatenan. Sinembargo miembro di parlamento di VVD Wim Meulencamp no a sostene Holman den e debate aki. Meulencamp kier pa Wiersma produci un bon pakete di medida na september, manera a ser acorda den un mocion. “Pa nos por pasa e bottleneck di nitrogeno mas liher posibel.”

MOB ta dispuesto pa baha su demandanan contra report-



eronan di PAS si nan demandanan ser cumpli. Reporteronan di PAS ta companianan, mayoria di nan agricultor, cu no tabatin mester di permiso prome pero awor ta haya nan mes ta opera ilegalmente. Si nan perde e caso den corte, e companianan aki lo mester sea cera of haci cortamento di gasto grandi.

Zelenskyy lo forma parti di e recepcion di Rey na NATO durante e cumbre



(NLTimes) – Presidente di Ucrania, Volodymyr Zelenskyy, lo no por asisti na reunionnan oficial na e proximo cumbre di NATO (Organisacion di Tratado Nort Atlantico) na Den Haag. Pero e lo ta bon bini na e cena na palacio, na cual Rey Willem-Alexander a invita e lidernan di NATO, segun e programa oficial pa e cumbre.

A papia hopi tocante e rol di Zelenskyy na Den Haag otro siman. Merca a opone na invita e presidente di Ucrania, kende tabata un invitado di honor na e cumbrenan anterior. Pero aliadonan Europeo a insisti pa Zelenskyy asisti.

Riba insistencia di paisnan Europeo, lo tin un reunion oficial entre NATO y Ucrania. Pero e biaha aki, e conseho NATO-Ucrania lo no inclui e lidernan, manera tabata e caso aña pasa na Washington, sino e Ministernan di

Relacionnan Exterior. Nan “cena di trabou” lo coincide cu e cena real pa e lidernan di NATO. Mas tempran, diplomatonan di NATO a sugeri cu Zelenskyy por a dirigi su mes na e Ministernan di Relacionnan Exterior como presidente.

E cumbre lo ta hopi mas cortico cu e edicionnan di e ultimo añanan. E cena di diamars anochi na Huis ten Bosch lo por ta e prome ocasion unda por ehempel presidente Mericano Donald Trump lo aparece, pa e por sali atrobe diaranson atardi trempa despues di e reunion oficial.

Diamars, lo tin un reunion grandi di e industria di defensa cu politiconan. E organisadornan ta spera di por yama hopi lider y Ministernan bon bini eyan tambe. Hefe di NATO Mark Rutte y presidente Ursula von der Leyen di Comision Europeo lo asisti.

MULTIPLICA BO PREMIO CU

MULTI-X

FP

x2

x3

x5

www.lottoaruba.com


Colombia: Consejo di Estado a suspende efectonan di ‘decretazo’ di Petro cu cual a convoca e consulta

(infobae) – E di Cinco Seccion di Consejo di Estado a acepta ayera e demanda cu ta busca pa anula e Decreto 0639 di 2025, door di considera cu ta trata di un medida di caracter electoral emiti pa un autoridad nacional relaciona cu desaroyo di un mecanismo di participacion ciudadano, den e caso aki, e consulta popular.

Di mesun manera a suspende e efectonan di esaki, di manera cautelar.

E decision di e alto tribunal di suspende e efectonan huridico di e decreto ta fundamenta riba e ausencia di e concepto previo favorable di Senado, manera disponi den articulo 104 di Constitucion Politico, cu esaki como un requisito indispensable pa convoca pueblo pa un consulta popular di trascendencia nacional y contrario na loke presidente Petro a afirma.

E medida cautelar aki, adopta despues di solicitud urgente di e demandante, a marca sin duda un precedente den aplicacion di control legal riba e actonan administrativo di



contenido electoral emiti pa autoridadnan nacional. Den e sentido aki, e di Cinco Seccion a admiti e demanda di nulidad contra e decreto y di manera inmediato a suspende su efectonan huridico.

Segun loke e di Cinco Seccion a informa, e providencia ta establece cu e decreto en cuestion ta constitui un acto di contenido electoral, ya cu e ta desaroya un mecanismo di participacion ciudadano manera e consulta popular. Asina a laga sin efecto loke a dispone den e documento,

firma dia 11 di juni pa presidente Petro, 15 di su ministernan y cuatro titular di cartera encarga.

E tribunal a conclui cu un “concepto favorable di Senado” ta rekeri pa “convoca pueblo na un decision di trascendencia nacional”, cu “den e caso precies aki no ta existi.”

E interpretacion legal aki ta reforsa e importancia di control parlamentario den e procesonan di consulta popular y ta laga e teoria di Ehecutivo

sin base, den sentido cu a registra cinco presunto violacion procedural den e sesion dia 14 di mei ultimo, den cual cu un votacion di 49 pa 47, e plenaria di Senado a rechasa e iniciativa, cu cual tabata pretende di convoca e ciudadanonan na votacion.

Asina, e suspension di efectonan huridico di Decreto 0632 di 2025 ta representa, di acuerdo cu Consejo di Estado, un medida preventivo destina pa evita cu ta materialisa consecuencia huridico deriva di un acto administra-

tivo cu segun e providencia, tin un vicio di procedemento. Es decir, Petro no lo por convoca eleccion te cu e tribunal aki tuma un decision di fondo.

Mester aclaria cu e determinacion aki no ta bay interferi cu e proceso cu Sala di Consulta y Servicio Civil di e tribunal ta bay ehecuta, na cual registrador nacional di Estado Civil, Hernan Penagos, manera indica den un rueda di prensa diamars ultimo, a solicita un concepto tocante e constitucionalidad di e consulta pa procede, en consecuencia, cu su organizacion; en caso cu e decreto keda declara legal.

E proximo diana ta bay ta decisivo pa determina si e decreto ta keda definitivamente sin efecto. Pa awo, e determinacion di di Cinco Seccion a converti den un sorto di derota nobo pa Petro y su intencion pa dia 7 di augustus, manera stipula den e decreto en discordia, e ciudadanonan bay vota pa futuro di e 12 pregunta relaciona cu reforma laboral.

Mexico: Merca ta sanciona lidernan di cartel di Jalisco

(AP) — Administracion di Trump diaranson a impone sancion economico riba cinco miembro di perfil halto di e Cartel Jalisco Nueva Generacion pa nan traficacion di droga, mientras tambe a cita nan participacion den asesinato.

Administracionnan anterior tambe a sanciona e cartel – un di e mas poderosonan na Mexico – manera administracion di presidente Mericano, Donald Trump tambe a haci na mei, ora a enfoca riba e operacionnan di hortamento di combustible di e cartel.

E sancionnan ta freeze cualkier activo cu e individuonan of compania tin na Merca y ta prohibi ciudadanonan Mericano di haci negoshi cu nan.

“E reinado di terror di CJNG na Mexico y su traficacion di fentanyl na Merca a destrui cantidad di bida inocente,” secretario di Tesoro Mericano, Scott Bessent a bisa den un declaracion. “Merca ta keda comprometi fuerte-

mente na usa tur herment disponible pa degrada e capacidad di CJNG y otro cartel pa yena nos cayanan cu droga peligroso y perpetra actonan terribles di violencia contra civilnan.”

Na februari, administracion Mericano a designa Cartel Jalisco Nueva Generacion como un Organizacion Terrorista Stranhero y un Terrorista Global Especialmente Designa.

E cartel ta lidera pa Nemesio Ruben “El Mencho” Oseguera Cervantes, y e ta entre e cinco lider nombra diaranson. Washington a ofrece un recompensa di \$15 milyon pa informacion cu resulta den su captura.

Dos di e sancionadonan recientemente tabata conecta na investigacionnan di perfil halto na Mexico.

Gonzalo Mendoza Gaytan ta vincula na un rancho na estado Jalisco unda familiarnan di personanan desaparecido a haya cantidad di paña, sapato



y otro articulo. Autoridadnan ta kere cu e cartel di Jalisco tabata usa e rancho pa entre- na reclutanan. Familiarnan di e desaparecidonan ta kere cu e reclutanan cu no a cumpli tambe a keda asesina eynan.

Ricardo Ruiz Velasco ta un teniente di e cartel afilia cu su unidad di forsa special.

Tesoro Mericano a bisa cu e tambe ta mancha nan propaganda y comunicacion. Ruiz ta sospechoso den asesinato di influencer di rednan social, Valeria Marquez, kende supuestamente tabata su pareha romantico y a keda asesina mientras e tabata transmiti en bibo na su salon pafu di Guadalajara luna pasa.

E otro miembronan sanciona di e cartel tabata Julio Alberto Castillo Rodríguez, yerno di Oseguera, kende ta dirigi e operacionnan di e cartel den waf Pacifico di Manzanillo, y Audias Flores Silva, un comandante regional pa e cartel na varios estado Mexicano.

Organisacion ta adverti: Crisis alimentario na Cuba awe ta un emergencia cronico, no un crisis pasajero

(CiberCuba) - Den e prome mitar di 2025, e crisis di cuminda na Cuba a stop di ta un consecuencia temporal y a bira un emergencia humanitario cronico.

Esaki a ser denuncia pa Food Monitor Program (FMP), un organisacion independiente cu ta vigila e (in)seguridad di cuminda riba e isla, den un rapport extenso publica riba su medionan social bou di e titulo “Negligencia Estatal Ta Aumenta Hamber na Cuba.”

Segun FMP, hamber na Cuba no por ser splica mas pa factornan externo of temporal, pero ta un reflejo directo di un modelo economico fraca y di un aparato estatal cu a bandona su deber mas basico: garantiza acceso na bienes y servicionan esencial.

E organisacion ta señala cu scarsedad structural di cuminda y pobreza nutricional a stop di ta e excepcion y a bira e norma, afectando miyones di hende den henter e pais.

Un di e chempelman mas simbolico di e colapso, FMP ta sostene, ta e buki di racion. Loke pa dacadanan tabata presenta manera un instru-



mento di igualdad y seguridad di cuminda, awendia ta representa poco mas cu un mecanismo pa maneha pobreza.

E no ta garantiza acceso na nutrienteenan basico mas, pero en bes di esey ta organisa, bou di un capa burocratico, scarsedadnan cronico.

E imagen ta hasta mas dramatico ora wak e datonan nutricional: un cas promedio Cubano di cuater persona, FMP ta adverti, ta ricibi cantidadnan mensual di cuminda cu solamente ta cubri entre 20% y 30% di e calorlanan

diario recomenda pa e Organisacion Mundial di Salud. Pobreza calorico, cu un tempo tabata excepcional, a bira normalisa y acepta como parti di e paisahe di tur dia.

Cuminda na scol tambe ta reflehá e bahada aki. FMP ta denuncia cu loke ta ser sirbi den hopi di e scolnan di e pais “no ta cuminda, sino humiyacion”: platonan den estado deplorabel, sin ningun balor nutricional, cu ta mina e desaroyo fisico y mental di mucha muher y mucha homber.

Leu di provee un ambiente sigur pa muchanan, scolnan

ta reproduci e mesun deficiencianan cu ta plaga e resto di e poblacion.

Kehonan di ciudadanonan, mientras tanto, ta pinta un imagen mas preocupante ainda: cuminda dañá, racionnan minimo, y e falta sistematico di productonan esencial a bira parti di bida diario.

Dilanti di esaki, e Estado ta keda keto of ta ripiti un narativo di estabilidad cu, segun e ultimo encuesta di FMP, ta ser contradeci pa 96,91% di e poblacion, cu ta informa di tin dificultad pa haya acceso na cuminda.

Inseguridad di cuminda tambe ta bisto riba cayanan di e pais. Desmayo pa motibo di hamber a ser raporta den varios provincia, afectando hende grandi, hobennan y hende muhe.

Hopi ciudadano ta biba riba un dieet reduci na un of dos cuminda pa dia, y ta depende di solidaridad riba caya of limosna. Hasta personanan cu limitacion fisico of ex militar nan ta pidi ayudo cu borchinan cu ta bisa “Esaki ta pa cuminda”, manera ta muestra den e testimonio aki colecta pa e Observatorio Cubano di Derechonan Humano.

Recientemente, FMP tambe a adverti cu mas cu 9 miyon hende na Cuba ta cushina actualmente den condicionnan precario, insaludabel y peligroso.

E cifra ta bini di un analisis di e ultimo Censo di Poblacion y Vivienda Cubano y e estudionan propio di FMP, cu ta calcula cu alrededor di 1,7 miyon cas ta usa gas natural likido (LPG), otro 2 miyon ta depende exclusivamente di coriente, y alrededor di 220 mil ta cushina cu gas fabrica.

Puerto Rico: LUMA Energy ta calcula cu e lo cuminsa e aña fiscal nobo cu un deficit di \$117 miyon

(ElNuevoDia) - Aunke e proceso di revision pa e tarifa base di e sistema electrico ta programa pa cuminsa na comienso di juli, LUMA Energy ta calcula cu e lo cuminsa e aña fiscal 2025-2026 cu un deficit di \$117 miyon, entre e presupuesto disponibel y “e financiamiento minimo necesario pa mantene e sistema electrico,” unabes ahusta pa inflacion na fin di 2024.

Pa e consorcio, e calculacion realisa riba peticion di e Oficina di Energia di Puerto Rico (NEPR) “ta ilustra claramente cu e escenario financiero di LUMA den aña fiscal 2026 lo ta hasta mas restrictivo cu den aña fiscal 2025.”

E analisis cu LUMA a entrega dia 13 di juni a contesta un peticion pa informacion di NEPR, cu a orden’e pa informa si e presupuesto pa aña fiscal 2025-2026—cu ta cuminsa 1 di juli—por inclui un

ahuste di inflacion sin viola e limitenan di e tarifa base actual, cu ta data for di 2017.

LUMA—cu a calcula cu e mester di un presupuesto entre \$500 miyon y \$800 miyon mas halto cu e \$693 miyon cu e tin disponibel actualmente—a adverti cu, pa 2025-2026, e ta proyecta cu e entradanan correspondiente na e tarifa base lo yega na total di \$1,16 biyon, un poco mas cu e \$1,151 biyon cu e ta anticipa di recoge den e aña fiscal cu ta cerca di termina.

A pesar di e aumento leve, el a señala cu e alocacionnan presupuestario disponibel pa su propio presupuesto, y tambe esnan di Genera PR y e Autoridad di Energia Electrico, lo sufri perdidan considerabel ya cu, por lo pronto, e aprobacion di cualkier fondo adicional di gobierno central no ta contempla. Pa 2024-2025, e Autoridad di Asociacion Publico-Priva a provee un alocacion special di \$74,7



miyon, cu, segun LUMA, a yuda mitiga ahustenan di inflacion debi na e imposibilidad di aumenta e tarifa base.

“A pesar di e financiamiento adicional, LUMA mester a pospone varios actividad den cuadro di e fondonan alocá, resaltando e diferencia entre necesidadnan di sistema y

recursonan disponibel. Mirando pa dilanti, e perspectiva financiero pa aña fiscal 2026 ta mas preocupante ainda,” e compania a enfatisa.

“Sin e financiamiento suplementario aki, e presupuesto di aña fiscal 2026 ta proyecta pa experiencia un deficit di aproximadamente \$71 mi-

yon, prome cu tene cuenta cu inflacion. Incorporando e tasa di inflacion aplicabel di 3.44% lo aumenta e financiamiento necesario cu un \$45 miyon adicional, treciendo e deficit total na aproximadamente \$117 miyon,” LUMA a adverti, “enfatisando cu e no por introduci cualkier ahuste di inflacion na e presupuesto di aña fiscal 2025 sin surpasa e limitacionnan di entrada estableci den e orden di tarifa di 2017.”

NEPR a anuncia cu e presupuesto di e sistema di coriente pa inicio di e proximo aña fiscal lo ta mescos cu e programa di gasto actual. Sinembargo, unabes cu LUMA presenta su revision proponi di e tarifa base dia 3 di juli, NEPR lo por aproba un aumento “provisional” den e componente ey di e proyecto di ley, cu lo ta na vigor te ora cu e analisis ta completa durante e prome mitar di 2026, proveyendo entrada adicional na e tres operadornan di sistema.

Rotary Club Aruba a honra Sr. Jeffrey Matos cu un “Paul Harris Award”

Danki na su añanan di Servicio dedica na nos Grandinan

Rotary Club Aruba orguyosamente a entrega e Paul Harris Award na Sr. Jeffrey Matos, Director di Club Kibrahacha 60+, como reconocimiento pa su dedicacion excepcional di mas di 18 aña di servicio na e comunidad di nos grandinan na Aruba.

E premio Paul Harris, yama na nomber di e fundador di Rotary International, ta un di e honornan di mas halto cu un Rotary Club por otorga. E ta otorga na individuonan cu ta encarna e lema di Rotary “Service Above Self” a traves di contribucion nan extraordinario na nan comunidad.

Jeffrey a cuminsa su trayecto na Club Kibrahacha 60+ como un administrado y, bao di e mentor Sr. Eric d’Arnault (membro honorario di Ro-



tary Club Aruba), a traha su caminda pa bira Director na 2017.

Bao di liderazgo di Jeffrey, e centro a crece bira un institucion renombra den cuida di nos grandinan. Jeffrey a desaroya su mes den un vocero y lider dinamico di e centro, trahando incansabelmente pa nos grandinan — tanto den e centro como den colabo-

racion cu diferente organizacionan y lider nan politico den nos comunidad. Den e ultimo añanan, esaki a conduci na un atencion politico mas grandi pa e necesidadnan di nos grandinan y e importancia pa tene nan involvi activamente.

Club Kibrahacha 60+ ta un autoridad pionero y reconoci riba e tereno aki pa mas di

40 aña. Como co-fundador di Club Kibrahacha 60+, Rotary Club Aruba a haya ta apto pa honra Jeffrey pa su añanan di liderazgo y servicio otorgando e prestigioso Paul Harris Award.

“Jeffrey ta un ehempel di e spirito comunitario y dedicacion,” asina Diego Acevedo, Presidente di Rotary Club Aruba a bisa. “Su trabou no solamente a enrikece e bida di e individuonan di edad avansa den nos comunidad, pero tambe a yuda trece un reconocimiento mas amplio

pa e valor di nos ciudadanonan di edad avansa den sociedad.”

E reconocimiento a wordo entrega durante e reunion semanal den presencia di miembronan di Rotary Club y representantenan di Club Kibrahacha.

Rotary Club Aruba ta desea Jeffrey y su casa hopi exito. Pronto nan lo bandona Aruba pa cuminsa un capitulo nobo na Hulanda, embarcando riba un carera nobo. Un berdadero “role model”.

Invertiendo di nos personal 25 polis re-certifica pa sub-fiscal

Recientemente a tuma lugar un curso di re-certificacion pa e sub fiscalnan di Cuerpo Policial Aruba na John F. Kennedy Education Center.

Un total di 25 sub fiscal a haya un dia di informacion cu diferente oradornan entre otro Hues Comisario, Fiscal, Consejo di Abogado y tambe docente di Universidad di Aruba. A toca diferente temanan importante cu ta toca e tarea diario di un sub fiscal. Mara na ley y procedura como tambe buki di codigo di procedura cu tambe ta importante pa e decisionnan cu mester tuma.

Na final di dia un total di 25 colega cu a atende e curso a termina esaki cu exito. Cuerpo Policial Aruba ta keda inverti den diferente cursonan of opleiding pa asina fortifica e conocimiento di nos personal den Cuerpo Policial Aruba.



Aruba Bank lo ta presente na e evento di Toyota Red Tag Sales



Aruba Bank ta contento pa ta presente na e Toyota Red Tag Sales, un evento exclusivo yen di ofertonan y tremendo descuentonan riba bo Toyota nobo!

Pasa bishita Toyota Aruba su showroom, diahuebs 19 di juni 2025, for di 6or di atardi te cu 9or di anochi.

Documentonan necesario pa trece:

- Rijbewijs valido
- 2 ultimo payslips (4 si bo ta cobra cada 15 dia)
- Carta di trabou (≤3 luna bieu)
- Carta di censo of recibo di utilidad

Bini pasa un anochi agradabel, tira bista riba autonnan nobo pa bo ta un paso mas cerca pa logra e auto di bo soño.

Nos representantenan di Aruba Bank ta warda bo.

“Tagged, Approved, and Ready to go”

Tyler Perry a ser demanda pa actor di 'The Oval' pa agresion sexual y acoso



(AP) — Un actor cu a traha riba e drama di television crea pa Tyler Perry, "The Oval", a presenta un demanda alegando cu Perry a probecha di su poder di industria pa repetidamente agredi y abusa sexualmente di su persona mientras e tabata manten'e keto.

E demanda presenta na e corte Superior di Los Angeles pa e actor Derek Dixon, kende a aparece den 85 episodio di e serie di BET, ta pidi por lo menos 260 miyon dollar den daño y perhuicio.

"Sr. Perry a tuma su exito y poder y a usa su influencia considerabel den e industria di entretenimento pa crea un dinamica di coercion y sexualmente explotativo cu Sr. Dixon — inicialmente primintiendo pa avanc'e den su carera y oportunidadnan creativo, manera produci su piloto y scoge den su programa, solamente pa somet'e na acoso sexual, asalto y represalia profesional," e ta bisa.

E demanda a ser presenta diabierna y a ser raporta pa prome biaha diamars pa TMZ.

E abogado di Perry, Matthew Boyd, a bisa cu su acusacionnan ta falso.

"Esaki ta un individuo cu a yega cerca di Tyler Perry pa loke awor ta parce di ta nada mas cu lanta un estafa," Boyd a bisa den un declaracion diamars. "Pero Tyler lo no ser tuma haci, y nos ta sigur cu e acusacionnan fabrica aki di acoso lo fracasa."

E demanda ta bisa cu Perry a tuma nota di Dixon pa prome biaha na 2019 ora Dixon tabata parti di e personal na un fiesta di Perry, y despues a ofrece un prueba.

Dixon a bay pa aparece prome den un rol chikito den e serie di Perry, "Ruthless", prome cu e haya e rol mas grandi den e drama politico "The Oval."

Perry pronto a cuminsa manda mensahenan di texto sexual indesea pa Dixon, segun e demanda, cual ta inclui screenshots di varios di nan.

"Kico ta bay tuma pa bo tene sexo inocente?" un di e mensahenan ta bisa.

E demanda ta bisa cu Perry a ofrece Dixon un rol mas prominente den e programa mientras cu su avancen sexual a bira mas agresivo. E actor ta bisa cu el a purba di keda amistoso mientras e tabata mantene limitenan entre nan dos.

"Dixon a haci su maximo esfuerso pa aleha di e agresion sexual di Sr. Perry mientras e tabata keda na e bon banda di Sr. Perry," e demanda ta bisa. "Sr. Perry a hacie cla cu si Dixon ignora Perry of no ta involvi cu e insinuacionnan sexual, e rol di Dixon lo 'muri.'"

E demanda ta bisa cu Perry eventualmente a agredi Dixon sexualmente na "varios ocasion," incluyendo un instancia caminda el a "kita e paña di Sr. Dixon cu forza, a touch su lomba, y a purba di forza su mes riba Dixon."

Dixon a bisa Perry claramente "No," pero a ser ignora inicialmente te ora cu e por a desescala e situacion y cambia e tema, segun e demanda.

E siguiente dia, Perry a pidi despensa, y a bisa Dixon cu e lo traha cu Dixon riba un piloto di television cu Dixon tabata buscando pa produci. Dixon despues a ricibi un au-



mento di salario cu e demanda ta sugeri tabata parti di un intento pa manten'e keto. El a bisa cu e miedo cu su rol lo ser kita for di dje a manten'e keto manera Tyler tabata kier.

Perry tambe a produci y cumpra e derechonan di e piloto, yama "Losing It," pero e demanda ta alega cu Perry no tabatin intencion di bende e programa y tabata us'e sola-

mente pa tin influencia riba Dixon.

E demanda ta describi varios otro asalto, incluyendo uno caminda Dixon tabata keda den un camber separa na cas di Perry ora Perry a subi cama cune sin invitacion y a cuminsa mishie, e demanda ta alega.

Dixon eventualmente a

muda for di Atlanta, unda e studio di produccion di Perry ta situa, pa Los Angeles, pa pone distancia entre nan dos.

Dixon a entrega na 2024 un keho na e comision di Oportunidad Igual pa Trabou, y ora esey no a resulta den ningun accion di parti di e productornan di e programa, el a stop.

"The Oval" ta un di hopi serie di television produci pa, skirbi pa y dirigi pa Perry di 55 aña, kende a bira conoci pa prome biaha como creador y strea di e peliculanan "Madea" y desde e tempo ey a construi un imperio di produccion grandi den television y pelicula. Como actor el a aparece tambe den e peliculanan "Gone Girl" y "Don't Look Up."

APEROL SPRITZ | **MOËT & CHANDON CHAMPAGNE**

TURN UP THE SUN

JUNE 20, 2025

DJ Aguilar 5:30pm
Marisela Band 7:30pm

ZIMA
Reservation number: 699-9317

JOIA BY BEROSTAR | **ZIMA**

Atleta elite na Hulanda ta lucha cu siguridad, presion y salud mental

(NLTimes) – Un cuart di tur deportista di nivel elite Hulandes ta experencia comportacion transgresivo cu ta pone nan sinti nan mes insegur den nan deporte. “Nan a experencia algo cu tabata serio of menos serio, pero sinembargo a ser percibi como un comportacion indeseabel,” asina e investigador Marjan Olfers a bisa durante e presentacion di e investigacion riba e cultura deportivo elite na Hulanda na Johan Cruijff Arena.

Chisme y abuso verbal tabata e asunto cu mas tabata sosode, pero Olfers a bisa cu tabatin casonan tambe tocante discriminacion y abuso sexual. “Relativamente papia, e situacion no ta mucho malo, y den



mayoria caso, e comportacion ta di naturalesa verbal. Pero toch tin atletanan elite cu ta luchando di berdad.”

Un di cada cinco deportista di nivel elite no ta sinti nan mes mentalmente saludabel. E porcentahe aki ta alrededor di mescos cu henter Hulanda, pero e investigadornan toch a keda sorpresa pa e echo cu hopi deportista di nivel

elite no ta sinti nan mes bon bini den nan profesion y no ta experencia e cohesion di e grupo.

“E presion constante pa entrega, y dificultad pa mancha e momentonan cu ekiponan ta ser anuncia hopi biaha ta e motibonan pa esaki,” un di e investigadornan, Anton van Wijk a bisa. Segun Olfers, un consecuencia di e problem-

anan mental aki ta cu atletanan di mas halto ta experencia hopi problema di soño.

Olfers a keda conmovi pa e hecho cu ainda tin asina hopi atleta cu ta sinti nan mes discrimina. “Si nos kier crece como un nacion deportivo, nos mester haci algo tocante esey. Atletanan mester ta bon bini den deporte y sinti e laso ey.”

E cultura deportivo di nivel elite Hulandes tambe ta duro, Van Wijk a bisa. “E atletanan ta duro cu nan mes. Nan ta warda lesion pa nan mes y no kier ta conoci como un mimo, sigur no entre otro atletanan. Nan no kier muestra cu nan no ta sinti bon y ta sinti un tiki dolor.” Tambe a keda revela den e estudio cu e motibonan pa

deportista hunga na un nivel elite no ta medaya y premio pero motivacion intrinseco. “Nos atletanan ta identifica cu nan deporte. E impulso ta pa pone metanan y mehora. Gana medaya ta na di nuebe lugar,” Van Wijk a bisa.

E investigacion ey no tin igual mundialmente, Olfers a bisa. “E ta unico na mundo,” el a bisa tocante e raport di 474 pagina. E investigacion a ser conduci durante cuater aña.

Mas cu 1.250 mihor atleta, 220 coach y 90 ex-atleta a yena un cuestionario extenso, y 470 entrevista a ser conduci. “Anonimo, independiente y critico,” Van Wijk a describi esaki. 26 asociacion a participa, y esaki a inclui un total di 63 disciplina deportivo.

Manifestante di derecho di bestia ta core subi tereno durante wega di Copa Mundial di Club cu mensahe anti-Maroco

(AP) — Un activista di derecho di bestia a core bay riba tereno durante un wega di Copa Mundial di Club entre Manchester City y Wydad na Lincoln Financial Field diarason, urgiendo Maroco pa reforma nan tratamento ariba bestia di caya.

E homber tabatin un camisa bisti cu tabata bisa, “Maroco,

caba cu e masacre di cacho di caya,” y tabata carga un borchu cu tabata bisa, “Maroco: stop di tira cacho y pushi.” El a core pa algun seconde prome cu trahador di siguridad a ataca y el a ser escorta pafor di e stadion.

E camisa y e borchu di e manifestante a inclui e logo di Hende pa e Tratamento Etico di Animal.

Wydad ta basa na Casablanca, Maroco. PETA tabata critico di e gobierno di Maroco pa su trato di pushi y cacho di caya.

Maroco ta entre e anfitri- onnan di e COpa Mundial 2030. E gobierno a expande un programa di “Trap, Castra, Vacuna y Regresa” pa bestianan di caya, pero activista a afirma cu bestianan ta ser mata en bes di castra.



Weganan di apertura pa e siguiente temporada di Eredivisie anuncia

(NLTimes) – Fortuna Sitard y e titularnan di copa di KNVB, Go Ahead Eagles, lo duna inicio na e temporada di Eredivisie 2025-26 diabierna 8 di augustus PSV y Feyenoord tin nan prome weganan di temporada na cas contra Sparta Rotterdam y NAC Breda un dia despues. Ajax lo enfrenta Telstar recién promovi den Johan Cruijff Arena dia 10 di augustus.

Volendam y Excelsior, e otro dos ekiponan promovi, tambe lo cuminsa nan campaña cu un wega for di cas. Esaki ta duna nan mas tempo pa pone nan lansamento na ordo. E dos ekiponan lo mester cambia di astroturf pa yerba natural como parti di nan promocion. Excelsior lo hunga contra NEC na Nijmegen, y Volendam lo cuminsa e temporada na Friesland contra SC Heerenveen.

E CV di Eredivisie lo anuncia e skema completo riba diarason. A determina cu Ajax lo enfrenta e rival Feyenoord na cas dia 14 di december. Nan lo hunga na cas contra e campeonn reinante PSV riba e di 32 dia di wega y lo hunga cu FC Utrecht un siman despues, riba e mesun dia cu Feyenoord ta enfrenta AZ na De Kuip na Rotterdam. PSV lo cera e temporada cu un wega na cas contra FC Twente.

“E puzzel imposibel cu un cantidad infinito di piesa a ser completa atrobe”, asina Jan de Jong, e director di Eredivisie CV y miembro di e directiva di competencia di futbol profesional, a bisa tocante compilacion di e programa di competencia.

“Nos a hinca 25 pagina di deseo y demanda, posibilidad y imposibilidad den un computer na Barcelona, cu, pa

medio di inteligencia artificial, a bin cu algo hopi bunita. Niun caminda na Europa ta asina complica manera Hulanda ora ta trata di e lista di fiho. Manda un raket pa luna ta parce mas facil,” De Jong a

agrega. “E cos mas importante ta cu e ta un schema balansa y pareu pa tur hende,” De Jong a declara. “Pero nos ta facilita tambe e clubnan cu ta hunga den competencia Europeo y

tin un break di winter pa e sosiego necesario. Tur e ingredientenan tey pa un otro temporada special. Awor ta keda na e clubnan den e Vriendeloterij Eredivise pa hacie un gran temporada.”



Campeon Olimpico Faith Kipyegon ta purba bira e prome muher pa kibra record di 4 minuut otro siman na Paris

(AP) – Faith Kipyegon ya ta campeon olimpico 3 biaha di 1.500 meter. E ta e titular di record mundial caba den un miya y 1.500.

Siguiente riba su lista di cosnan pa cumpli: Bira e prome hende muher pa kibra e bare-ra di 4 minuut di miya.

Kipyegon di 31 aña ta haciendo un careda na un evento patrosina pa Nike yama “Breaking4: Faith Kipyegon vs. the 4-Minute Mile” riba 26 di juni na Stade Charlety na Paris. El a pone e record mundial di 4:07.64 casi dos aña pasa durante un encuentro di Diamond League na Monaco.

“Mi ta kere cu kibra cuater lo realmente cementa mi herencia,” Kipyegon a bisa den un yamada di Zoom diaran-



son. “E siguiente generacion ta wak nos pa muestra nan e caminda y esaki ta loke mi ta haciendo awor. ... Tur loke nos ta haci, nos mester soña grandi y djis kere den nos mes cu nos por a haci.”

Tabata mas cu 71 aña pasa ora

cu e coreador Britanico Roger Bannister a bira e prome homber pa yega cerca di 4 minuut ora el a core 3:59.4.

Pa Kipyegon, haya velocidad extra pa corta un tiki mas cu 7.64 seconde ta ocupa su pensamentonan y ta hib’e den entrenamiento. Pero realmente, e y su coach, Patrick Sang, no ta cambiando di nan rutina mucho.

Loke e ta haciendo den ehercicio awor a resulta sumamente exitoso caba. El a gana su di tres titulo olimpico di 1.500 meter consecutivo na Paris na augustus ultimo. Un luna prome cu esey, el a kibra su mes record di 1.500 riba e mesun pista caminda e lo core diahuebs proximo.

“Pa mi, mi lo bisa ta mentalmente fuerte y kere den tur

loke mi ta haci,” el a bisa di preparacion pa momentonan grandi. “Kere den e entrenamiento, kere den lanta pa empodera e siguiente generacion, kere den tur loke tabata for di mi tempo mas jong ora mi tabata core pia abou te caminda mi ta awor. E realmente a duna mi e impulso pa lanta y bay pa entrenamto y djis ta fuerte.”

Coreador Keniano, amigo di hopi tempo y partner di entrenamiento Eliud Kipchoge a bin duna sosten emocional. E tabatin un evento prepara p’e na 2019, ora el a core un marathon den 1:59:40 pa kibra e barera di marathon di 2 ora na e INEOS 1:59 Challenge na Austria. E marca no a ser ratifica pa e organo di gubernacion di e deporte.

“Lo ta dushi pa mira Eliud

despues di e liña di meta,” Kipyegon a bisa, kende ta un campeon mundial di cuater biaha. “Mi ta haya mensa- henan positivo di rond mun- do cu mi por hacie. ... E ta motiva mi hopi pa sigui cu e reto aki. Mi sa cu e lo no ta facil, pero mi ta bay purba mi best y nos lo wak kico e liña di meta ta ofrece.”

E ta ansioso pa e reto pa mus- tra e siguiente generacion di coreador femenino cu tur cos ta posibel. Esey ta inclui su yiu muher, Alyn.

“Bo mester soña y djis tene pasenshi p’e,” Kipyegon a bisa.

“Mi lo sinti mi asina grandi si mi djis core tras di e liña di meta y wak menos cu cuater minuut. E lo ta historico.”

Circuito Kyalami di Sur Africa ta bisa cu FIA a aproba mehoracion

Un stap mas cerca di un careda na Africa

(AP) — Formula 1 por ta un paso mas cerca di tene un careda na Africa atrobe despues cu e doño di e circuito di Kyalami na Sur Afrika a bisa diaranson cu e organo di gubernacion di e deporte a aproba mehoracionnan di e pista.

Un declaracion di e circuito a bisa cu FIA a “acepta proposicion di diseño final” pa trabou cu lo a actualisa Kyalami

for di e status di Grado 2 di FIA pa e status di Grado 1 necesario pa F1.

A agrega cu Kyalami a haña tres aña pa completa e mehoracion y cu “trabounan selecta” lo ser realiza solamente unabes cu Kyalami a ser selecta pa anfitrión di F1.

“Awe, nos ta bira e pagina pa un capitulo nobo pa Kyalami. Nos ta cla pa e regreso di For-

mula 1 na suela Africano,” e doño di e circuito Toby Vent- er a bisa.

Kyalami tabata anfitrión di e careda di F1 mas recien na Africa na 1993 pero otro paisnan tambe ta interesa pa trece e serie back na e continente. Rwanda ta trahando riba su propio proyecto y segun informe Maroco tin plannan tambe.



Hungador di futbol Mericano Henry Ruggs ta pidi disculpa na famia di e dama cu el a mata

(AP) – E ex-wide receiver di Raiders, Henry Ruggs, riba comunicado special diamars anochi, a papia na un evento di Hope for Prisoners na Las Vegas y a pidi despensa na e famia di un muher cu el a mata den un accidente di auto casi cuater aña pasa.

Ruggs a core su auto deportivo na velocidad halto, dal den un vehiculo cu a mata Tina Tintor y su cacho, Max. Tintor tabatin 23 aña.

Ruggs a ser puntra na e evento kico e lo bisa e famia di Tintor.

“Un, mi ta desea cu mi por

a bira tempo back,” el a bisa den un video saca pa e Las Vegas Review-Journal. “Mi lo kier pa nan topa e berdadero Henry Ruggs y no esun cu a scapa. Mi ta pidi sinceramente despensa pa no solamente ta parti di e situacion, pero e echo cu mi cara semper ta den noticia, semper e ta den corant. Pues nan mester ser recorda constantemente di e situacion, ser recorda di mi.”

Ruggs a declara su mes culpabel na mei 2023 pa delito di DUI cu a causa morto y homicidio involuntario den auto. El a ser sentencian na augustus 2023 na un castigo di 3 pa 10 aña di prizon.



Den e Gran final di Copa Noord HEINEKEN 2025:

Royal Power Tat Fat ta derota Salbabo 9-2 pa titula Campeon; Jomark Flanegin ta sali MVP!



Copa Noord 2025 dedica na Johannes "Poy" Flanegin, Alvaro Barrios, Nel Frank y Francis Arcaya a continua y diadomingo ultimo riba dia di Tata na veld di Kudawecha.

Diadomingo merdia 12 pm den semi final Royal Power ta elimina Stingers cu score di 12-5 y ta mantene nan invicto 5-0 pa garantisar un lugar den e Gran Final mientras un rato despues pa 2 pm Salbabo ta elimina Calabas Blue Jays 10-9 den un wega yena cu emocion unda Salbabo tambe mantene nan invicto 5-0 y ta pasa pa e Gran Final. Pa 4pm e Gran Final a inicia cu e protocol cantando e Himno di Aruba cu un veld di Kudawecha carga cu fanaticada y sigur mester bisa cu Salbabo a yena e parke cu fanaticada bisti cu nan T'shirt cora.

Den bom di promer inning Royal Power ta rally tempran den e partido anotando 4 careda riba batasonan oportuno di Eldrick Dijkhoff, Gillian Wernet, Kelvin Silvania, Keith Hooker y Jerieel Rafael. Salbabo ta anota un careda den cabez di segundo inning y den cabez di 3 inning Salbabo ta score un careda mas pa corta e ventaha 4-2. Royal Power ta amplia e score den bom di 3 inning cu un careda pa hasi e wega 5-2 mientras den bom di 4 inning Royal Power ta bolbe rally a bataso

limpio pa 3 careda y ta pone mas presion riba Salbabo aumentando e score 8-2. Pa seya e victoria Royal Power a logra anota un careda den bom di 6 inning pa asina e wega termina 9-2.

Ambos ekipo a drenta final invicto 5-0 unda Royal Power a termina e torneo 6-0 mientras Salbabo cu ta mira atras riba un torneo fabuloso y exitoso na e manera cu nan ekipo a perform den Copa Noord apoya pa e masa cora di Noord y ta termina cu 5 victoria y 1 derota(5-1) cu cara na laira. Resultado final Royal Power 9 careda, 16 hit, 1 error y ta laga 9 coreador na base. Salbabo 2 careda, 10 hit, 0 error y ta laga 8 coreador den circulacion. Jomark Flanegin ta cubri henter e ruta y ta pone e victoria riba su nomber como pitcher ganador y banda di esaki Jomark Flanegin ta bira e MVP di Copa Noord 2025 merecidamente. Elwin Falconi pitcher habridor pa Salbabo ta resulta pitcher perdedor ricibiendo relevo di Charli Pulido den di 3 inning. Mihor bateador nan pa Royal Power a resulta Eldrick Dijkhoff 4-3, Keith Hooker 3-3, Kelvin Silvania y Jerieel Rafael ambos a bay di 2-2.

Pa Salbabo a destaca na plato Daniel Fernandes 3-3, Agil Brete 4-3, Gerard Eckmeyer y Charli Pulido di 2-1. Na



final bou ritmo di Tsunami kende a trese un artista internacional e famoso Skinny Banton pa canta na veld di Kudawecha a bay over pa parti demas premionan individual. Alexander Groeneveldt di Stingers a bay cu e trofeo di Champion Homerun

kende ta e unico cu a saka e bala un biaha pafopr di parke den e promer buelta. Marcel Duran di Super Plus ta titula Champion Batter cu 8-6 pa un averahe di 750. Jomark Flanegin MVP.

Salbabo ta ricibi su trofeo di

Sub Campeon acompaña pa na fanaticada celebrando sin fin mientras Royal Power Tat Fat a ricibi su trofeo di Campeon Copa Noord 2025 cual ta bira Royal Power su di 8 titulo di Copa Noord mientras nan tin tambe 4 titulo di sub campeon. SV Royal Power y Comision Organizador ta gradisi tur ekiponan cu a participa, tur fanaticada cu a yega tereno pa apoya nan ekipo y tur e ekiponan cu a hunga weganan amistoso durante e torneo. Danki ta tur cu a yuda den cualkier forma. Pabien Copa Noord 2025! Pabien barrio di Noord. Copa Noord a re-activa despues di 5 aña (desde 2020) den Gran Forma.



Polis di Hong Kong ta acusa wega di telefon di promove revolucion arma

(AP) - Polis di Hong Kong riba diamars a acusa un aplicacion di wega di telefon di boga pa revolucion arma y promove agenda independista, advertiendo cu esnan cu publica of comparti esaki online por ta den violacion di leyman di seguridad nacional.


E anuncio - e prome cu publicamente a denuncia un aplicacion di wega - ta indica cu e autoridatnan ta ampliando accion cu a bini despues di manifestacionnan contra gobierno den 2019. Autoridatnan a actua contra y silencia varios bos via persecucion bao e leyman di seguridad nacional den 2020 cu Beijing a impone y un ley similar cu a implementa aña pasa.

Den un declaracion, polis a adverti residentenan contra descarga e aplicacion "Reversed Front: Bonfire", bisando cu esnan cu e aplicacion instala por ser considera como den posesion di un publicacion cu mal intencion.

Tambe nan a adverti den contra di provee asistencia financiero na e desaroyador di e aplicacion, incluyendo compranan den e aplicacion.

"'Reversed Front: Bonfire' a keda lansa bao e disfraz di un wega cu e meta di promove agendanan independista manera 'Independencia di Taiwan' y 'Independencia di Hong Kong,' bogando pa un revolucion arma y di tumba e sistema fundamental di e Republica di China," polis a bisa.

E aplicacion ta desaroya pa ESC Taiwan, cual no a responde na The Associated Press su peticion pa comentario. Riba e aplicacion su pagina di Facebook, e desaroyador a publica tocante aumento den buskeda pa e number di e wega y Hong Kong su reportahe tocante e sucedido di diamars. Segun e aplicacion su introduccion, e hungadonan pro asumi e rol di Hong Kong, Tibet, Uyghur, Taiwan of Rebeldenan



Cathaysian, entre otro, pa tumba e regimen comunista. Tambe nan por scoge pa lidera e comunistanan pa derota tur e enemigonan.

E wega su website ta bisa cu e ta "un trabao cu no ta ficcion. Cualquier similaridad na agencianan real, politicanan of gruponan etico di PRC (Peoples Republic of China) den e wega aki ta intencional."

E aplicacion tabata disponible ainda diamars anochi, sinembargo no por a wak esaki mas

diaranson mainta. E publicista di e wega luna pasa a bisa cu Google Play a kita e aplicacion pa motibo cu e no tabata prohibi usuarioman di adopta lenguahe di odio ora di duna number na nan personahe.

Apple, Google y Meta no a duna contesta te ainda.

Despues di a hunga e wega pa 3 luna, Kuo Hao Fu di Taiwan a bisa cu e ta haya cu e contenido ta tuma un punto di bista cu humor pa describi problemanan politico cu ta

serio. Fu ta den desacuerdo cu e acusacionnan di polis, bisando cu e hungadonan por scoge di forma parti di forsa representando China. "Accion di Hong Kong su polis ta demostra con Hong Kong su libertadnan democratico ta controla pa e partido comunista di China," el a declara. "Ora cu te hasta e nivel aki no por keda tolera, e ta completamente destrui libertad creativo den gaming."

China ta considera Taiwan su propio territorio, cual e lo pone bao su control cu forsa si esaki ta necesario. Varios ciudadano di Taiwan den e isla independiente aki tin preocupacion tocante Hong Kong su libertadnan den caida bao mando di Beijing.

Beijing y hong Kong su gobiernonan ta insisti cu e leyman di seguridad nacional di e ciudad tabata necesario pa regresa estabilidad na e pais despues di e manifestacionnan.

X ta entrega demanda contra New York pa purba stop rekisito nobo

(AP) - Elon Musk su X a demanda New York diamars pa purba stop New York di rekeri rapport tocante con plataformanan di rednan social ta atende publicacionnan problematico - un strategia regulatorio cu e compania exitosamente a desafia na California.

New York su ley, cual gobernador democratico Kathy Hochul a firma fin di aña pasa, ta den plan pa drenta den efecto mas adelante e aña aki. X ta mantene cu e medida ta afecta derechonan di libertad di expresion y un ley federal di 1996, entre otro cosnan, cual ta laga e plataformanan riba internet modera nan contenido manera nan ta considera apropiada.

New York ta inapropiadamente "purbando di inyecta su mes den e proceso editorial di moderacion di contenido" pa medio di rekeri "revelacionnan politicamente carga" tocante e proceso aki," X Corp a argumenta den e demanda.

"E estado ta purbandod i genera controversia publico tocante moderacion di contenido den un manera cu lo pone presion riba compani-



anan di rednan social, manera X Corp, pa restringi, limita y desfavorece of censura cierto contenido proteha pa e constitucion riba X cu e estado no gusta," e demanda a detaya, entrega na corte federal di Manhattan.


Procurador General di New York Letitia James su oficina a bisa den un declaracion pblica diaranson cu e tabata evaluando e keho y lo "para cla pa defende con constitucional nos leyman ta."

E ley ta rekeri companianan di rednan social reporta dos biaha pa aña si y con nan ta defini lenguahe di odio, contenido racista y extremista, desinformacion y algun otro termino. E plataformanan tambe mester detaya nan

practica di moderacion di contenido y data riba e cantidad di publicacion cu nan ta reporta, e accion cu nan a tuma y e extendo den cual e material ofensivo a ser mira of comparti, entre otro.

Sponsornan Sen. Brad Hoylman-Sigal y miembro di Asamblea Grace Lee, ambos democrata, a bisa cu e medida lo haci rednan social mas transparente y companianan mas responsable.

E ley ta aplica ampliamente na companianan di rednan social. Sinembargo X ta entre esnan cu a enfrenta scrutinio intenso den añanan recien, y den un carta di 2024, e sponsornan a bisa cu e compania y Musk en particular tin un "record preocupante" cu ta



"menasa e fundeshi di nos democracia."

E legisladornan a skirbi prome cu Musk a bira, pa un tempo, consehero cercano y recortador di gasto den Presidente Republicano Donald Trump su administracion. Ambos biyonario desde e tempo aki a discuti y posiblemente a aregla nan diferencianan.

Desde cu el a adkiri ex Twitter den 2022, Musk, den number di libertad di expresion, a desmantela e compania su Trust and Safety Advisory Group y a stop di implementa moderacion di contenido y reglanan di lenguahe di odio cu e website tabatin. Desde e tempo aki el a restaura tambe e cuenta di

teoristanan di conspiracion y a incentiva interaccion riba e plataforma cu pago y partnership di contenido.

Gruponan di exterior desde e tempo aki a documenta un aumento den lenguahe di odio y acoso riba e plataforma. X a demanda un organizacion di investigacion cu ta studia lenguahe di odio online - e demanda aki a keda anula den maart ultimo.



Iran ta bisa e no lo “roga na porta” di Merca mientras Trump ta considera uni na atakenan Israeli

(AP)—Por a tende explosionnan henter dia diaranson na Tehran, mientras Israel a bisa cu su avionnan di guerra a bombardia Iran den tres ola di atake. Menos cu un siman despues di e comienso di conflicto, Israel ta afirma cu su avionnan tin libertad total pa bula riba e capital Irani.

Iran a lansa varios misil cu poco efecto contra Israel, sin reportahe di victima, mientras Israel a suavisa algun di su restriccions pa su ciudadanonan. Entre tanto, miedu ta domina Tehran: cayanan ta bashi, tiendan ta cera, y comunicacion ta deficiente. Miles di hende a huy.

Presidente Donald Trump no kier bisa si el a tuma un decision pa ordena un atake Mericano riba Iran. “Mi por hacie, mi por no hacie,” Trump a bisa na reporteronan na e Cas Blanco. “Ningun hende sa kico mi ta bay haci.”

Diplomaatnan Europeo lo tene un reunion riba e asunto nuclear cu Iran diabierna na Suisa, segun un oficial Europeo cu ta familiar cu e plan.

No tin plan pa Merca pa tuma parti den e discusion EU-Iran — pa awor
Un oficial di Merca a bisa

diaranson cu no tin plan pa participacion Mericano den e discusionnan nuclear cu ta planea di tuma lugar entre diplomaatnan Europeo y Iran na Ginebra, aunke esey por cambia.

E oficial, ken a papia bao condicion di anonimidad pa discuti comunicacion diplomatico priva, a agrega tambe cu e Europeonan a desea di tuma un rol den e negociacionnan ya pa basta luna, pero a ser para pa Merca.

E posicion ey, segun e oficial, por ta cambiando awor cu e hostilidadnan ta aumentando.

Tres oficial na e organizacion Arms Control Association ta insistiendo fuertemente cu Trump y miembronan di Congreso “mester scoge diplomacia pa evita proliferacion nuclear riba guerra.”

Nan a adverti den un declaracion diaranson cu atake militar no por destrui e conoimento nuclear vast di Iran. Aunke e por retrasa su programa nuclear, tal atake por provoca Tehran pa sali for di e Tratado di No-Proliferacion Nuclear y posiblemente cuminsa persigui arma nuclear.

Israel, cual ta considera tin un



arsenal nuclear no declara, no ta un firmante di e tratado di no-proliferacion.

Segun inteligencia Mericano, expertonan ta bisa cu no tabatin ningun menasa inmediato cu Iran tabata preparando pa fabrica arma nuclear prome cu Israel a ataca.

Algun di e siguidonan mas leal di Trump tin duda tocante implicacion mas profundo den Medio Oriente

Durante su campaña di 2024 pa bolbe bira presidente, Trump a priminti cu e lo pone un fin rapido na e gueranan na Ucrania y Gaza y lo tene Merca fuera di conflic-

tonan caro.

Steve Bannon, ken tabata asesor pa Trump durante su prome administracion, a bisa diaranson cu e administracion mester tene cuidao. “Esaki no ta un cos pa tuma na joke,” Bannon a bisa na reporteronan. “Bo mester pensa bon riba e cos aki. E pueblo Mericano mester ta di acuerdo cune. Bo no por simplemente pone e cos ki riba nan.”

Trump a rechasa e idea ey, afirmando: “Mi siguidonan ta mas enamora cu mi awor, y mi tambe ta mas enamora cu nan compara cu durante e temporada di eleccion mes, ora cu nos a gana.”

Iran ta bisa cu su lidernan nunca lo ‘roga na porta di e Cas Blanco’

Trump ta afirma cu oficialnan Irani ta sigui busca contacto. “Nan a sugeri pa nan bin na e Cas Blanco — esey ta, bo sa, tuma curashi.”

Pero e mision di Iran na UN a rechasa e afirmacion di Trump den un comunicacion riba red social: “Ningun oficial Irani a pidi pa roga na porta di e Cas Blanco. E unico cos mas despreciable cu su mentiranan ta su menasa cobarde pa ‘elimina’ e lider supremo di Iran.”

Pakico Horcan Erick ta desaroyando rapidamente den un tormenta peligroso

(AP) — Despues di duplica su forza den menos cu un dia y cu anticipacion pa crece mas, Horcan Erick tabata moviendo diaranson den un ambiente ideal pa fortificacion rapido mientras cu e ta acerca e costa Pacifico meridional di Mexico.

Esaki ta un tipo di intensificacion rapido cu a bira mas comun den un clima mas cayente, segun cientificonan, specialmente den Atlantico y cerca di Merca — aunke esaki no ta e region caminda Erick ta actualmente. Varios aña pasa tabatin 34 caso di intensificacion rapido — ora cu un tormenta a acelera pa un minimo di 35 mph den 24 ora — cual ta mas cu dobel e promedio, y esaki ta creando problema pa pronosticacion, segun e Centro Nacional di Horcan.

Erick, cual ta un horcan normal fuerte pero no straño, a acelera pa 50 mph den apenas 18 ora y tabata birando mas fuerte mientras cu e tabata cercando e costa.

E unico cos poco comun te awor ta cu esaki ta e di cinco tormenta di Pacifico Oriental den un luna di temporada cu ta un poco mas activo cu normal, segun Brian McNoldy, un investigador di horcan na Universidad di Miami. y probablemente, ora cu Erick yega, e lo ta e tormenta mas fuerte pa yega na e parti di Mexico ey asina trempa den e temporada, el a bisa.

Segun e Centro di Horcan, e tormenta generalmente lo aparece den e cuenca di Pacifico Oriental rond di 23 di juli. Temporada di horcan den e Pacifico Oriental ta cuminsa dia 15 di mei y ta

dura te 30 di november, cu un promedio di 15 tormenta nombra, ocho di eseynan cu ta bira horcan, y cu cuatro di nan ta yega e categoria mayor cu bientonan mas di 110 mph (177 kph). En general, e region di Pacifico Oriental tabatin un tormenta mas pa aña compara cu e Atlantico. Pero tormentanan den e Atlantico ta causa mas daño pa motibo cu nan ta yega na luganan mas pobla.

Pa via di e direccion di Erick — cerca Acapulco — y su intensificacion rapido, e tormenta ta trece recuerdonan malo di Otis, un horcan mortal cu a surgi diripiente y a dal Mexico como un categoria 5 maximo na 2023. Pero Erick no ta Otis, specialmente pa motibo di tempo. Erick ta un tormenta tempran den e temporada, mientras cu Otis a yega te den october.



Otis a forma den october y a crece mas fuerte pasobra tabata mas laat den e aña. Erick ta tempran den e temporada y e awa hundo cu e ta draai ta mas frio, pues e no ta duna e mesun impulso pa intensificacion. Pero e awa superficial ya ta suficiente cayente, segun Kerry Emanuel, un cientifico di horcan na MIT.

Tur e ingredientenan ta casi perfecto pa e crecimiento di Erick, segun Kristen Corbosiero, un cientifico atmosferico di Universidad di Albany. Aire seco regularmente ta para intensificacion rapido, pero Erick no a topa cu aire

seco, y e atmosfera rond e tormenta ta hopi humedo, el a bisa. E ta forma un bon wowo di tormenta y tin e forma ideal pa un tormenta cu ta fortalece, el a agrega.

Estudionan a conecta cambio climatico causa pa hende cu mas caso di intensificacion rapido, como tambe tormentanan mas muha y mas slow, segun Corbosiero. Pero lo tin mester di mas estudio, generalmente despues cu e tormenta pasa, pa por determina si tin algun relacion entre calentamiento global y Erick en particular.

Legisladornan Britanico ta vota pa descriminalisa aborto en medio di preocupacionnan tocante persecucion di hende muher

(AP)—Legisladornan Britanico a vota diamars pa descriminalisa aborto na Inglatera y Gales despues cu un legislador a argumenta cu tabata cruel pa persigui hende muher pa termina un embarazo.

E House of Commons a aproba un amienda na un legislacion di crimen mas amplio cu lo preveni hende muher di ser criminalisa bao un ley anticua. Parlamentario di partido Labour Tonia Antoniazzi, ken a introduci un di e amienda, a bisa cu e cambio tabata necesario pasobra polis a investiga mas di 100 hende muher pa sospecha di aborto ilegal durante e ultimo cinco aña, incluyendo



algun cu a perde nan baby di manera natural y di ken nan baby a nace morto.

“E pida di legislacion aki lo

solamente kita hende muher for di e sistema di husticia criminal pasobra nan ta vulnerable y mester di nos ayudo,” el a bisa. “Ki interes

Esey a resulta den varios caso publicita den cual a persigui hende muher pa obtene ilegalmente pildonan di aborto y usando nan pa termina nan mesun embarazo despues di 24 siman of mas.

Gruponan anti-aborto a opone e medidanan, argumentando cu esaki lo haci porta na aborto inmediato na cualkier etapa di embarazo. “Baby no naci lo mira nan ultimo proteccionnan kita for di nan, y hende muher lo keda na piedad di abusador-




publico esaki ta sirbi? Esaki no ta husticia, e ta crueldad y mester stop.”























E amienda a ser aproba 379-137. E House of Commons lo mester aproba awor e legislacion criminal, cual ta anticipa, prome cu esaki pasa pa e House of Lords, unda e por ser retrasa pero no blokia. Bao e ley actual, dokternan por haci aborto legalmente na Inglatera, Escocia y Gales te cu 24 siman, y mas despues di esey bao circunstancianan special, manera ora e bida di e mama ta den peligro. Aborto na Irlanda di Norte a ser descriminalisa na 2019.

Cambionan den e ley implementa durante e pandemia di COVID-19 a permiti hende muher di ricibi pildo di aborto via post y termina nan mesun embarazo na cas dentro di e prome dies siman.

nan,” segun Alithea Williams, gerente di politico publico pa e Sociedad pa e Proteccion di Muchanan No Naci, cual ta describi su mesun como e grupo mas grandi na Reino Uni den e campaña pro-bida.

Sostenedornan di e legislacion a bisa cu esaki ta un reforma historico cu lo proteha hende muher for di encarcelacion pasobra nan a termina nan embarazo. “Durante un tempo cu nos ta mirando un atraso riba derechonan reproductivo, mas notable na Merca, e logro crucial aki den e lucha pa derechonan reproductivo ta manda un mensahe poderoso cu nos legisladornan ta protehando hende muher,” segun Louise McCudden di MSI Reproductive Choices.

Resultado Sorteo Juni 18			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
2575	1138	2105	5720
0678	4534	SUPER5	9427
7693	2288	-	8354

MERDIA	ANOCHI		
 Sorteo # 4654 2367 2042 2947  X2  Sorteo # 4654 4317  X2  Sorteo # 2710 6256  Sorteo # 4654 6672 Acuario  Sorteo # 1528 311  FP	 Sorteo # 8573 4215 1579 0518  X3  Sorteo # 7617 5087  X2  Sorteo # 2322 4708  Sorteo # 6376 9278 Cancer  Sorteo # 1306 519  FP	 Sorteo # 2602 0 x Jackpot 0 x Match 4+ 3 x Match 4 194 x Afl. 12,00  Sorteo # 6860 0 x Jackpot 2 x Match 4 143 x Afl 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00   Sorteo #	08-13-23-26-31 Joker 1 Letter F Proximo Jackpot 160.000,- 02-17-25-26-29 Proximo Jackpot 55.000,- Mega Ball Proximo Jackpot 550.000,- Afl. 825.000,- 





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: Aloe:
Tel. 587 9011 Tel. 584 4606

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

A condena lidernan di empresa conoci pa 'meditacion orgasmico' pa trabao forsa

(AP) - Lidernan di un compania enfoca riba sexo pa bienestar femenino cu a promove "meditacion orgasmico" a ricibi un condena pa acusacionnan federal di labor forsa.

Un hurado di Brooklyn riba dialuna a declara cu Nicole Daedone, e fundador di OneTaste Inc., y Rachel Cherwitz, ex director di benta di e compania basa na California, ta culpable despues di delibera pa menos di dos dia. Ambos ta enfrenta casi 20 aña den prison ora nan ricibi nan sentencia mas adelante.

Fiscalnan a argumenta cu e dos muhenan aki a opera un plan di varios aña cu tabata manipula persona - varios di nan victima di trauma sexual - pa haci nan kier.

Daedone, di 57 aña y di New York cu Cherwitz di 44 aña y di California, a usa abuso psicologico, sexual y economico, intimidacion y indoctrinacion pa forsa e miembronan di OneTaste haci actonan sexual cu cual nan tabata incomfortable of tabaya haya vies, manera tin relacion sexual cu posible inversionistanan of clientenan.

Ambos a bisa nan sigui donan cu e actonan cuestionable aki ta necesario pa por obtene "libertad" y demostra nan compromiso na e organizacion su principianan.

Fiscalnan a bisa cu e lidernan di OneTaste tampoco a paga e salarionan cu a priminti na e miembronan cu a converti den empleadonan y te hasta a forsa nan saca credit card pa sigui tuma e compania su cursonan.

Asistent di Procurador General Nina Gupta, den su declaracion siman pasa, a bisa cu e acusadonan "a crea un negoshi riba lomba di" victimanan cu a "duna nan turcos," incluyendo "nan placa, nan tempo, nan culpa, nan dignidad y por ultimo nan sanidad."

"E hurado su veredicto a kita e mascara for di Daedone y Cherwitz y revela ken nan ta realmente: persona cu a probecha di victimanan vulnerable pa medio di haci promesanan bashi di empoderamento sexual y bienestar solamente pa manipula nan den haci labor forsa y



servicionan pa e acusadonan su beneficio," Joseph Nocella, Abogado di Merca pa e distrito este di New York a comenta.

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 33 grado Celsius temperatura minimo 27 grado Celsius
Indice di calor (heat index) den y rond di oranan di merdia: 34 pa 40 grado Celsius
Uv index: 12

Bahada di solo : 7:07pm
Subida di solo : 6:15am

Biento:

Moderate te basta fuerte for di direccion oost; forsa 4 te 5 (20 te 39km/ora, 11 te 21 nudo)
Den di dia fuerte te posiblemente duro den rafaga; forsa 6 te 7 (40 te 61km/ora, 22 te 33 nudo)

Situacion general di tempo:

Un ola tropical ta moviendo den parti oost di Caribe. Esa-



ki lo trece poco humedad de region durante proximo dia of dos. Principalmente den oranan di marduga y mainta esaki por induci localmente algun awasero breve.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: tranquil te modera cu olanan di 1 pa 3 pia.
Na partinan oost te noordwest di costa; generalmente modera cu olanan di 4 pa 6 pia localmente e por yega 7 pia.

Aurora
Royal Pray
Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Oslin Anuar Bergrok
*01-01-1990 - †09-06-2025

Mama:
†Haydee Bergrok

Tata:
†Oslin Croes

Yiunan:
Nathan Bergrok
Azrienne Bergrok

Mama di su yiunan:
Marylue Dirksz

Pareha:
Christine Lacle

Rumannan:
Rosheline Montero
Jamie Bergrok
Peter Bergrok

Sobrinonan: Kyandra Tjin Kon Fat, Zayden
Todaro, Mia Todaro, Jazeah Zayn Bergrok

Tanta y omonan:
Bianca Veldkamp y famia na Hulanda
Emiletta Bergrok y famia na Curacao
Harold Bergrok y famia
Velutrina Bergrok
Mayra Bergrok
Jhonny Kwidama y famia

Su primo y primanan na Aruba y Hulanda

Tur su coleganan y amigonan di team:
Softball, Volleyball, Beach Tennis y su ex colega
nan di balashi.

**Demas famia, amigonan, bisiñanan y
conocirnan:** Bergrok, Montero, Kwidama,
Todaro-Salcedo, Maduro, Dirksz, Franken,
Veldkamp, Tjin Kon Fat, Kock, Krozendijk,
Koolman, Toms

Ta invita pa e **acto di entiero** cu lo tuma lugar
diabierna 20 di juni 2025 na Aurora Funeral
Home di 2:00 pa 4:00 pm, despues lo sali pa
Santana central na Sabana Basora

Aurora
Royal Pray
Funeral Home & Crematory

*In my Father's house are many
mansions: if it were not so, I would
have told you. I go to prepare a place
for you. - John14:2*



With heavy hearts, we share the
news of the death of

**Phyllis Telania
Hernandez-Clarke**
*01-07-1952 - †13-06-2025

Husband: Jose Maria Hernandez

Mother: †Pearl Estelita Gibson-Clarke

Father: †Zacchaus Natanial Clarke

Children:
Sharon A.C Hernandez
Raul Hernandez y Tecla vd Biezen
Leslie Hernandez y Maria Hernandez Atencio-Barroso

Grandchildren:
Kimberly Cornelio, Carolyn Cornelio, Shadeska
Hernandez, Catherine Midi, Samantha Bermudez-
Hernandez and Kevin Bermudez, Donna Hernandez,
Ralph Hernandez

Great grandchildren:
Shary-Ann Midi, Majayura Eguavoen,

Like grandchildren:
Sener Bruges and family, Sagandra Bruges and family,
Lyxienne Ruiz

Sisters and brothers:
Anita Clarke and childrens
†Clyde Clarke and childrens
†Dotsie Clarke-Mastin, Barry Mastin and childrens
Julia Clarke and daughter
†Alsworth Clarke
†Gwendolyn Ceaser and family
†Sylberth Clarke

Godson: Ricky Fingal

Brother-Sister in law:
Rafael Hernandez
Edwin Hernandez and family
Delia Hernandez-vd Biezen and family
Isaias Hernandez and family
Raymond Hernandez and family

Friends that are like family:
Toy and Fanchi Loopstok, Miriam and Roy Jansen,
†Elly and Juancho Fingal, Jeta Maduro, Sally and Cesar
Velasquez, Lakshan Siriwardane, Eilee Wever and Vicky
Weller

Rest of the family: Hernandez, Clarke, Gibson,
Murphy, Baily, Bonadi, Jackson, Medford, Bandfield,
Mastin, Loopstok, Maduro, Atencio, Midi, Cornelio,
Bermudez, vd Biezen, Ruiz, Bruges and neighbors.

Brothers and sisters of GSCC and Pastor Frank and Jacky
Daal.

Doctor: Gerrit Croes

Doctor assistant: Katie
From the bottom of our hearts we would like to thank
Wilhelmina Kankerfonds Aruba for their support and
guide throughout this difficult process.

You are invited to the **farewell ceremony**, which will
take place at Royal Funeral Home on Friday, June 20th,
2025, from 2:00 PM to 4:00 PM. **The cremation** will
take place privately with the family. The cremation will be
held privately with the family.

Desired color upon request of our beloved Wela, wear
green or red.

Our sincerest apology if in our grief we forgot to mention
any names of other beloved ones.

We apologize that we will not be receiving any visitors
after the ceremony.

Aurora
Royal Pray
Funeral Home & Crematory

*"Dios ta amor... y amor ta Dios, maske
mi no ta na e mundo aki, tur dia lo mi ta
banda di boso Curazon, mi por stens di
loke Señor ta hasi"*
Salmo 33



Cu dolor na nos curason, nos ta participa
fayecimento di nos ser stima:

Miluska Marilu Hoek
*19-02-1972 - †05-06-2025

Na number di su **Mama:** Alva Hoek

Wela(o):
†Felix Simplicio Hoek
†Coleta Victoria “Viola” Hoek

Rumannan:
Engelbert y Thrishna Visser-Strachan
Ebert Visser
Eldrick Visser
Marlyn Marval
Rafael Marval
Shirley Marval
Norman Marval

Sobrino(a)nan:
Engelbert Visser Jr.
Engelline Visser y yiunan
Shaenri Visser
Mattheo Visser
Sonia Visser
Mauro Visser
Keighley Visser
Tommy Visser

Tantanen y omo:
Elaine Hoek
†Gladys y †Piet Bogers-Hoek
†Marylin “Rubia” Hoek
†Roland Hoek
Vianca y Dennis Arends-Hoek
Vivian Hoek

Primo y primanan: Cherly y Lainebert Toppenberg,
†Bruce y Kevin Arends, Rodney Hoek, Vivienne y Derek
Pop
Padrino: Franklin Matos
Ensan cu a atende cu ne: Dito Matos y Cherly

Amigonan : Editha Bernabela (mama), Charissa Ras,
Loesje Thode, Jade Padron, Raynold Werleman, Sandra
Jeffrey, Elvis y Tom Wester, Xiomara Dirks, Lilian v/d
Linden, Doña Rosa

Bon Bisiña: Fidelia
Ex coleganan di: Kong Hing Super Center
Dokter di cas: Dr. Tjon Kon Sang

Ta invita tur famia, conocirnan pa e **acto di despedida**
cual lo tuma lugar Diasabra 21 di June 2025 di 2 pm pa 4
pm na Aurora Funeral Home. **Cremashon** lo tuma lugar
den seno familiar

Aurora
Royal Pray
Funeral Home & Crematory



*Lagrima y flornan por seca, su recuerdonan y tur loke el a
haci y significa pa nos, lo keda graba pa semper den nos mente
y curason. “Cerca Dios mi alma ta na paz, ta di DJE mi
salbacion ta bin”*
Salmo 62:1

Cu dolor na nos curason, nos ta participa fayecimento di:

Freddie G. Croes
Cariñosamente yama “Papa Eddy”
*17-11-1959 - †11-06-2025

Acto di entiero lo wordo anuncia despues

Erupcion volcanico na Indonesia ta forsa evacuacion y cancelacion di vuelo

(AP)—Mount Lewoboti Laki na Indonesia a explota cu huma gigante atrobe diaranson despues di forsa evacuacion di pueblonan y cancelacion di vuelonan, incluyendo pa y for di e isla resort di Bali.

Varios erupcion a lansa as te cu 5.000 meter na halto diamars anochi pa diaranson atardi. Un erupcion diamars anochi a crea nubianan shinishi 10.000 cu a expande den un nubia di forma di hongo, cual tabata visible hasta 150 kilometer leu.

A pone alerta di erupcion diamars pa e nivel mas halto y e zona di peligro unda a recomenda hende pa bandona a ser expandi pa ocho kilometer for di e krater.

Agentenan tambe a evacua for di e puestonan di monitoreo di Mount Lewotobi Laki Laki siete kilometer for di e krater pa asina scapa e escombros cu tabata cayendo for di ariba. No a reporta ningun hende herida.

As y escombros a na un cantidad di luga pafo di e zona

A1-A4	22:35	Scheduled
E14-E17	22:45	Delay Due to Volcano
C17-C20	23:05	Scheduled
D13-D16	23:05	Cancel Due to Volcano
D17-D20	23:20	Cancel Due to Volcano
E18-E21	23:25	Scheduled
A19-A24	23:25	Delay Due to Volcano
D1-D4	23:30	Scheduled

di peligro, incluyendo den e pueblonan di Boru, Hewa y Watobuki. Algun residente di e pueblo Nurabelen den e subdistrito Ile Bura a huy pa sitionan di evacuacion na Konga pa asina scapa e impacto di e erupcion, segun e Agencia di Maneho di Desaster Natural a bisa den un declaracion.

“Algun residente tambe a evacua pa e pueblo di Nileknoheng, cual ta 12 kilometer leu for di krater,” segun Abdul Muhari, vocero pa e agencia.

A cancela decenas vuelo diaranson, incluyendo esnan

conectando Bali na ciudadnan na Australia, Malaysia, India y China, segun e website di e aeropuerto internacional I Gusti Ngurah Rai na Bali. As volcanico por ta peligroso pa motornan di avion.

Tambe a cancela vuelonan pa y for di e aeropuerto internacional na Labuan Bajo, un otro destinacion turistico na Isla Flores, den e provincia di East Nusa Tenggara. E aeropuerto ainda ta den operacion.

E cancelacion y retrasonan a afecta miles di biahero. Jetstar di Australia, cual ta bula diariamente entre e hospot



turistico y varios ciudad Australiano, a bisa cu a pronostica un shelo cla pa diaranson y su servicionan lo ser planea atrobe.

Air New Zealand a cancela un vuelo pa Auckland y lo book clientenan riba e proximo vuelo disponible, e aerolinea a bisa den un declaracion diaranson. Vuelonan pa New Delhi, Singapur y Pudong, China tambe a ser cancela debi na e volcan, segun informacion riba e website pa e aeropuerto Denpasar na Bali.

Mount Lewoboto Laki Laki ta un volcan gemelo cu Mount Lewotobi Perempuan den e

distrito di Flores Timur. E volcan a explota varios biaha, y su nivel di peligro y zona di peligro a cambia varios biaha prome cu a hisa esaki na e nivel mas halto diamars.

Un erupcion di Mount Lewotobi Laki Laki na november a resulta den nueve morto y decenas herida. Tambe el a explota den maart. Indonesia ta un archipelago di 270 milyon hende cu actividad seismico. E tin 120 volcan activo y ta situa den e “Ranchi di Candela,” un serie rondo di liñanan seismico cu ta circula e Pacific Basin.

Putin ta planea pa tuma preguntanan for di reporteronan internacional



(AP)—Presidente Ruso Vladimir Putin ta planea pa tuma preguntanan awe for di reporteronan internacional cu lo asisti na e Forum Economico Internacional na St. Petersburg.

Putin a organisa un sesion di mesa cu lidernan noticiero

di agencianan internacional, incluyendo AP. Entre otro asuntonan, ta anticipa cu e lo duna detaye riba Moscu su posicion riba e conflicto entre Israel y Iran cu e lo ofrece yuda media den un yamada durante weekend cu presidente Mericano Donald Trump.

Rusia a mantene un balansa delicado den e Medio Oriente pa algun decadas, purbando di nabega su relacion caluroso cu Israel mientras e ta desaroya un relacion economico y militar fuerte cu Iran, un politica cu posiblemente lo habri oportunidadnan pa Moscu hunga como mediador di poder pa asina

trece fin na e confrontacion.

E comentarionan di Putin tambe lo ser observa di cerca pa algun bisti den su strategia den e conflicto na Ucrania, unda Rusia a intensifica su campaña aereo y a aumenta un atake riba tera cerca di e liña di frente di 1.000 kilometer. El a rechasa Trump su oferta di un alto al fuego inmediato di 30 dia, haciendo esaki condicional riba un paro di Ucrania su esfuersonan di mobilisacion y un vries riba suministracion di arma for di e Occidente.

E lider Ruso a usa e forum anual pa subraya e logronan economico di Rusia y pa busca inversion di afo. Ehecucionan occidental, ken a asisti e evento den pasado, a evit’e despues cu Putin a manda trupa den Ucrania na februari 2022, lagando e den man di lidernan empresario for di Asia, Africa y Latino America.

Banda di e forum, Putin ta planea pa tin reunionnan cu presidente Indones Prabowo Subianto y ex-presidente

Brasileiro Dilma Rousseff, ken awor ta lidera e Banco di Desaroyo Nobo crea pa e aliansa di BRICS. Tambe ta anticipa cu e lo reuni cu oficialnan halto for di China, Sur Africa y Bahrain, y e hefe di e grupo OPEC di paisnan cu ta produci petroleo.

Diabierna e ta planea pa asisti un discusion di panel na e forum, un sitio cu el a usa pa haci declaracionnan di politica.



Presidente di Nigeria ta ordena accion contra gangnan despues di asesinato di 150 persona

(AP) - Nigeria su presidente Bola Tinubu a duna ordodiaranson pa agencianan di seguridad tuma accion contra e orkestradornan di un atake den fin di siman cu a laga por lo menos 150 fayecido den e pais su parti norte-central, esaki mientras e ta enfrenta presion creciente tocante un crisis di seguridad cu ta empeorando.

Tinubu a bishita e estado Benue, e sitio di un atake mortal reciente, buscando calma e tensionnan y priminti cu lo bin husticia pa e victimanan. “Nos lo restaura pas, reconstrui, y trece husticia. Bo no ta bo so,” e lider di e pais a bisa riba X.

Atacadornan a drenta e estado Benue y a ataca e comunidad Yelewata for di diabierna anochi te diasabra mainta, tirando e habitantenan cu tabata drumi y kimando nan casnan, segun sobrevivientenan y sindicato di agricultornan local a bisa. Variso di esnan cu a



muri tabata tumando shelter na un mercado local despues di a huy for di violencia den otro partinan di e estado.

Autoridadnan na Benue a bisa cu e culpa ta riba un tipo di violencia cu frecuentemente ta mira den parti nort di Nigeria su conflicto pastoral di varios decada caba.

Lidernan di oposicion y criticonan a acusa Tinubu di un contesta atrasa na e asesinatonan, notando cu su oficina

a publica un declaracion mas di 24 ora despues di e atake. Su bishita na e estado a tuma luga 5 dia despues.

E lider di Nigeria a biaha bay Makurdi, Benue State su capital, unda el a bishita un hospital pa mira esnan herida den e atake y a reuni cu lidernan local pa dialoga tocante con pa para e asesinatonan aki. E no a bishita e comunidad Yelewata.

Tambe aparentemente el a



zundra cuerpo policial pa un falta di haci algun detencion mas di 4 dia despues di e asesinato. “Con bin no a haci ningun detencion? Mi ta spera cu lo mester tin e detencion di e criminalnan aki,” Tinubu a puntra mientras e tabata dirigi su mes na oficialnan policial durante un reunion na Benue.

Analistanan ta bisa cu Nigeria su crisis di seguridad cu ta birando pio ta pa motibo cu tin un falta di disposicion po-

litico di tuma accion contra e criminalnan y garantisar husticia pa e victimanan.

“Na final, e resultado ta mescos: No tin husticia, no tin responsabilidad y no tin clausura pa e victimanan y nan comunidad,” Senador Iroegbu, un analista di seguridad basa na Nigeria su capital Abuja a comenta. “Te ora cu esaki no cambia, impunidad lo keda e normalidad, y e tipo di tragedianan aki lo sigui sucede.”

Tata di homber herida durante manifestacion reciente na Kenya ta haci yamado pa polis responsabilisa nan mes

(AP) - Activista y e tata di un ciudadano di Kenya cu recientemente a ricibi tiro di rango cercano for di polis durante a exige responsabilidad y a haci yamado pa acusa formalmente e oficial cu a los e tiro.

Boniface Kariuki su tata, Jonah Kariuki, a bisa reporteronan cu su unico yiu homber ta den cuida intensivo despues cu el a ricibi operacion diamars anochi. El a bisa cu e tiro a pasa door di su yiu homber su cabes, net riba di e horea, y e operacion tabata “exitoso” y su “curason ta bati.”

E hoben di 22 aña, tabatin un pakete di tapaboca den su man y aparentemente a keda pega den un confrontacion cu dos oficial na Nairobi mientras centenares di manifestante a choca cu polis. Un oficial, ken a tapa su cara cu un tapaboca, a los tiro mientras e tabata cana bay.

Polis den un declaracion a expresa preocupacion y a bisa cu e dos oficial, Klinzy Barasa y Duncan Kiprono, ta deteni y ta bao proceso di detective pa “mas accion.”



Diamars su manifestacion den e capital a bini despues di tension tocante e fayecimiento di e blogger, Albert Ojwang, ken a ser haya morto mientras e tabata deteni na Stacion di Polis Central.

Ojwang tabata deteni dia 6 di juni den Kenya pa loke polis a yama e publicacion di “informacion falso” y tocante un oficial top di polis riba rednan social. Polis a atribui su morto na un “golpi na su cabes cu el a sufri contra mura di su cell,” sin embargo activistanan a cuestiona e causa di su morto.

Manifestantenan riba diamars a exige e detencion di

inspector general di polis Eliud Langat, ken a entrega e keho di difamacion contra Ojwang.

Langat a bisa dialuna cu el a para un banda pa habri caminda pa investigadornan y cu e lo coopera cu e agencianan investigando e caso. Dos oficial na e stacion di polis central a keda deteni siman pasa.

Kariuki a bisa cu e oficial cu a los tiro riba su yiu mester tuma “responsabilidad individual” pa su actonan.

Na e famia su cas na Murang’a County, bisiñanan a papia di ta nervioso tocante laga nan



yiunan bay Nairobi buscando trabao a causa di un aumento den brutalidad di polis. E victima su mama, Susan Njeri, a bisa The Associated Press cu el a papia ultimo cu su yiu homber diadomingo, urgiendo su persona keda safe durante e manifestacionnan cu tin plania. “Si nan wak e cu un piedra of un baton, e tin sentido pa los tiro,” el a bisa. “Pero nada di esaki tabatin sentido. E no tabata un confrontacion, e tabata djis trahando.”

Un politico y activista di Ke-

nya, Okiya Omtatah a bisa diaranson cu e ta haci yamado pa persecucion di e oficial y a cuestiona dicon polis tabatin tapaboca bisti durante un operacion.

Diamars us manifestacion a bira violento y 16 persona a ser hiba e hospital unda Mwangi tabata ricibi tratamiento. E hospital su vocero a bisa diaranson cu heridanan ta inclui algun causa pa arma di candela y cu 7 persona te ainda ta deteni.

AMC UNICON SAN NICOLAS

BAN PARIBA EVENT

UPTO

45% OFF

ON SELECTED ITEMS
STOCK IS LIMITED

JUNE 20TH AND 21ST

SAVE AWG. 15



OSTER
IRON STEAM
W/AEROCERAMIC
TECHNOLOGY
ANTI-CAL-TEAL
GCSTBS5052-013

NOW
AWG. 35

WAS AWG. 50

SAVE AWG. 34



GIBSON
DINNERWARE
CANYON CREST
12 PCS STACKABL
135731,12

NOW
AWG. 85

WAS AWG. 119

SAVE AWG. 41



CUISINART
TOASTER
2 SLIDE
TOUCHSCREEN
BLACK
CPT-T20

NOW
AWG. 129

WAS AWG. 170



SAVE AWG. 100

NOW
AWG. 189

WAS AWG. 289

MASTERTECH
COMBO 2 BLENDER
COFFEEMAKER
SANDWICH MAKER
MTTBCMB939

SAVE AWG. 81



NOW
AWG. 189

WAS AWG. 270

OSTER
BLENDER
700W - 2 SPEED
BEEHIVE - SILVER
BLSTBESTE-013

SAVE AWG. 86



NOW
AWG. 299

WAS AWG. 385

RADIOSHACK
PA SPEAKER FM
12 INCH 20000RM
4001941

SAVE AWG. 801



NOW
AWG. 1999

WAS AWG. 2800

FRIGIDAIRE
REFRI TOPMOUNT
14 CU.FT. SS
FFHT1425W

AMC SAN NICOLAS

568-9070

HORARIO: 9AM - 6PM
DIALUNA PA DIASABRA

